

„Droschak“
ORGANE
de la Fédération
Révolut. Arménienne.

ԴՐՕՇԱԿ

Adresse :
RÉDACTION DU JOURNAL
„Droschak“
GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՃՆԱԿՑՈՒԹԵԱՆ“ ՕՐԳԱՆ

ԵՐԲ ԸՐԴԵՑՔ ԿԸ ԽՐԸՏԻՆՔ

Գաղանացած խուժանը երեք օր շարունակ կոտորում ու հրդեհում էր հայոց թաղերի մէջ և հայ ազգաբնակչութիւնը փախչում էր խեղճորոյս, պատսպարում անկիւնները, գնդակահարւում կամ մորթոտւում։ — Եւ մեր, այլանդակ, անպատիւ իրողութիւնը, որ մեր դարեւոր նախատինքն է, մեր յաւիտենական պատուհասը...

Ջարդաւած, միշտ ջարդաւած...

Համբարաշխութեան ու սիրոյ աւետարանը քարոզեցինք դարերից ի վեր և անխնայ կոտորեցինք մեզ շրջապատողներին։ Քրիստոնեայ, խաղաղ ժողովուրդ հռչակեցինք ժողով-Ասիայում — և կոտորեցինք։ Խաչ ու խաչվառով դիմաւորեցինք քրիստոնեայ պետութեան դրօշակակիրներին — և կոտորեցինք։ Լիբալայրական մեր ձեռքը մեկնեցինք մահաժողովուն մեր դրօշակակիրին Անդրկովկասում — և կոտորեցինք։ Եւրո արդեօք կը խրատուենք, եւրո արդեօք կը հասկանանք, որ այդ արիւնոտ, աղետաբեր պատմութիւնը իր ողբերգական փրկիստփայլութեան հետ իր ստիպողական հրահանգն էր ունի, որոնց անպայման պետք է համակերպել, եթէ ձգտում ենք պատուաւոր գոյութեան ու առաջադիմութեան։

Մենք չենք, որ պիտի ընդգիծանանք համարաշխութեան քարոզին, — մենք, որ քարոզում ենք այդ գաղափարը նոյնիսկ բարբարոս, արիւնոտ թրդերին։ Մենք չենք, որ պիտի ժխտենք խաղաղասիրութեան ու համբարաշխութեան բնազդի մեծ, հրաշագործ նշանակութիւնը։ — Նրանք բարձրագոյն առաքինութիւններ են և ամենաքաղաքակիրթ մարդկային համայնքների պարծանքն են կազմում։

Հայ ժողովրդի մէջ ևս նրանք վաղուց ի վեր արմատներն են ձգել... Պարծենալն արդեօք — ոչ։ Այդ առաքինութիւնները մեր ուժն են կազմում և միանգամայն մեր թուլութիւնը։ Խաղաղասիրութիւնը, առանց կռուելու, դիմադրելու պատրաստակարարութեան, մինչև իսկ այսօր, քսաներորդ դարում, դեռ բացասական մի երևոյթ է, կուզէք, նոյնիսկ անօրմալ հակահասարակական։ Դեռ դժբախտաբար շատ հեռու է մեզնից սօցիալական խաղաղութեան պանծալի շրջանը։ —

գոյութեան կռիւ փարգապետութիւնն է, որ իր անողոր պահանջներն է առաջադրում ամէն տեղ և ժողովուրդները պիտակցարար կամ բնազդօրէն վաղուց ըմբռնել են, որ խաղաղասիրութիւնն ու կրաւորական համակերպութիւնը բուսական չեն այս անիծաւած աշխարհում, որ անհրաժեշտ է և ազգական դաստիարակութիւն, անհրաժեշտ են այնպիսի առաքինութիւններ, որոնցով բարձր, կուլտուրական համայնքները ոչ միայն պատկառանք, այլև վախ ներշնչեն իրենցից ստոր, բիրտ, վայրենաբարոյ համայնքների մէջ, անհրաժեշտ է զինւած լինել ազգու զէնքերով։

Ժամանակ է, որ մենք ևս ըմբռնենք այդ ճշմարտութիւնը — և ըմբռնենք ազգովին, ոչ սահմանափակ փոքրամասնութեամբ։ Բազմի հակադասական ողբերգութիւնը միանգամ ևս այդ պահանջն է դնում մշտահալած ու բազմաշնչար հայութեան առջև։

Զինե՛լ ամէն տեղ, — ասա փետրւարեան արիւնոտ օրերի հրամայական պահանջը։ Զինե՛լ մասսայօրէն և միշտ պատրաստ հսկել, թէ ո՞ր կողմից է գալիս արիւնաբոս ոտիսը։ Եթէ ուս կառավարութեան քրտմանի դաւերը գարշաբի ու անէծքի ճիւղեր են յարուցանում, եթէ մահաժողովուն բախտախնդիրների գաղափարային արարքները սիրտ են արիւնոտում, ապա ոչ պակաս վշտառիթ է մեզ համար և այն հանգամանքը, որ հայ ազգաբնակչութիւնը իր աւանդական անփութութեան շնորհիւ, զէնքի չգոյութեան պատճառով (չենք խօսում բացառութիւնների մասին), մատնւում է մի անպատիւ նահատակութեան — չնայած որ վաղուց հրապարակում պատում էին շշուկները թիւրքերի պատրաստութիւնների մասին — և կոտորում է ճանճերի պէս, նման իր թիւրքահայ եղբայրակիցներին։ Բայց թիւրքահայը, խեղճ, իրաւագուրդ պարիան, դեռ իր յարգելի պատճառներն ունի, — զէնք հայթայթելու և զէնք կրելու անյաղթելի խոչընդոտները...

Կովկասը Տաճկաստան չէ։ Իսկ Պարսկաստանում պայմանները էլ աւելի նպաստաւոր են։ Ինչո՞ւ մահաժողովուն սպառազէն ազգաբնակչութեան դիմաց կանգնած չլինի ամէն տեղ, քաղաքներում և գիւղերում, նոյնպիսի զինւած հայ ազգաբնակչութիւն։ Դեռ պիտի սպասե՞նք, որ անարգ „Շէյթանի“ ձեռքով բորբոքւած հրդեհը տարածւէ ու ճարակէ ամբողջ հայ աշխարհը։ Ահա՛ չարագուշակ լուրեր են տեղում նոյնիսկ Պարսկաստանից... Հայոց գաւառները պիտի համաձայնե՞ն ապրել-այսուհետև մշտն-

ջենական սարսափի տակ, զուրկ ինքնապաշտպանութեան միջոցներից. . .

Ձենքի փրկարար ուժը, որ մենք դիտել էինք 15-ամեայ գործունեութեան ընթացքում՝ Ցաճկաստանի մէջ, շոշափելի կերպով երևան եկաւ և Բագւի աղետի օրերին: Մի փոքրիկ գրոհ «Դաշնակցութեան» խմբերի կողմից— և երկու հարիւրի չափ մարդասպանների գետին փուկեցին. իսկ ինչպէ՞ս սարսափահար փախչում էին 2-3 ֆէդայիների առաջ՝ զինւած սրիկանների վոհմակները, որոնք ամէն տեղ առիւծ են կտրում միմիայն ինկրտ ու անպաշտպան բազմութեան դիմաց:

Ի՞նչ կը լինէր արդեօք դրութիւնը, եթէ այդ ազատարար խմբերն էլ չ'աջողէին դրսից ներս խուժել, և հայ ազգաբնակչութիւնը ոչխարների հօտի պէս ձգւէր իր ճակատագրին. և՛ բռնարդեօք կը հասնէր բաղձալի հաշտութիւնը և դեռ քանի՞ հազար դիակներ կը գլորւէին արևմտաօրաւ ամբոխի ձեռքով. . .

Եթէ հայկական դիմադրութիւնը սկսէր տեղնուտեղը, աւելի շուտ և աւելի ընդարձակ ծաւալով, հրդեհը կը հանգչէր, հաւանականօրէն, հէնց իր սկզբնաւորութեան մէջ և դա կը լինէր ծանրակշիռ, վճռական կարեւորութիւն ունեցող մի հանգամանք. — մահմետական ժողովրդի թափթփուկները Բագւի մէջ և Բագւից դուրս կը գիտակցէին միանգամ ընդմիշտ, որ այնքան էլ դիւրին բան չէ հայ ժողովրդի վրայ որսի գնալը:

Այդ գիտակցութիւնն է, որ համերաշխութեան գաղափարի հետ միասին պիտի արծարծել, արմատացնել մահմետական խուժանի մէջ, որպէս զի ազատ մնանք ապագայում նորանոր հայկական կիշինեներից: Կ'ուզէինք, ա՛հ, շատ կ'ուզէինք լաւատես լինել, հաւատալ, որ Բագւի դժոխքը առաջինը և վերջինը կը լինի. . . Սակայն անփոթ լաւատեսութիւնից հազար անգամ աւելի լաւ է մտահոգ զգաստութիւնը:

Խոր ցաւով ենք արձանագրում, որ ստիպւած եղանք— ոչ առանց վարանումի և միանգամայն ինքնապաշտպանութեան բնազդով առաջնորդւելով— զենքի գիմել Բագւի մեր վաղեմի դրացիների դէմ և այժմ էլ խոր, անկեղծ ցաւ ենք զգում, ուղղելով հայ ժողովրդին վերը յիշատակւած մեր յորդորները:

Ի՞նչ արած, սակայն: Կան մութ, խաւար ուժեր մեր դժբախտ միջավայրում, որոնք մարդակերութեան նախնի, անյիշատակ դարերն են յիշեցնում և ընդունակ են որոշ նպատակաւոր պայմանների մէջ պայթել թշուա հայութեան գլխին ու նրա ցրած գաղափարներով աշխարհը սարսեցնել: Ըստ արդէն վայելեցինք կոտորուած հոգեւոր—հերիք է: Երբէք յարձակողական ակտիւակներ չենք ունեցել, երբէք թալանի, աւարի արշաւանքներ չենք խրախուսել: Մեր հիմնական մտահոգութիւնն է եղել ամէն տեղ՝ պատրաստել մեր խեղճ, հաւածական ժողովրդին, վարժեցնել նրան ինքնապաշտպանութեան

դպրոցի մէջ, ապահովել նրա խաղաղ ու կուլտուրական գոյութիւնը բռնաւորների հարւածների դէմ: Մեր ճակատագիրն է՝ լինել ամէն տեղ սխալ հասկացւած կամ բնաւ չհասկացւած. Ցաճկաստանում քրդերն են ջլատում հակասութեան մեր դիմադրութիւնը, մոռանալով իրենց սեփական շահերը, անտես առնելով մեր համերաշխութեան քարոզը: Կովկասում էլ թիւրքերն են սկսում գործիք դառնալ բռնակալութեան ձեռքում և անգամալուծել հակացարական մեր շարժումը, որ նպատակ ունի դարձնել ամբողջ երկրի բարգաւաճումը. . . Խրոջութիւնը չափազանց դառն է և մենք բոլոր սրտով փափագում ենք, որ թիւրք ամբոխի գիտակցութեան այդ յանկարծական խաւարումը լինի ժամանակակից, լինի վաղանցուկ:

Հաւատարիմ իր լաւագոյն աւանդութիւններին՝ «Դաշնակցութիւնը» այսուհետեւ աւելի մեծ եռանդով առաջ կը մղէ եղբայրական համերաշխութեան քարոզը մահմետական դրացի ազգերի մէջ, ձգտելով իր ուժերի սահմաններում փութացնել այն օրը, երբ հայ, թիւրք, վրացի և բոլոր տարրերը, մոռացած ազգայնական մանրմունք գժտութիւնները, մի ներդաշնակ բանակ կը կազմեն բռնապետութեան դէմ և կը նւաճեն Կովկասեան ազատութիւնը:

«ԴՐՕՇԱԿ»Ի ՀԵՌԱԳԻՐՆԵՐ

ՔԱԳՈՒ, 11 փետրւարի

Արիւմանեղ ըմդհարումների օրերիմ՝ Դաշնակցութեան Կենտրոնական կոմիտէն ուղղեց իշխան Նախաշիծէիմ սպառնազիր, նրա վրայ զցելով՝ պատասխանատուութիւնը: Յանցաւորի պատժելը վճռած խնդիր է տէրօրիստական կազմակերպութեան համար:

ԹԻՖԼԻՍ, 11 փետրւարի

Ստացած տեղեկութեան մայելով՝ Դաշնակցութեան խումբերը արիւմանեղութեան երկրորդ օրը զինեցին և դուրս եկան ժողովուրդը պաշտպանելու. Յեղափոխական զինուորների անձնակազմութիւնը, Դուրմանի ղեկավարութեամբ, անսպասելի ազդեցութիւն արաւ մահմետական խուժանի վրայ: Տեղական կոմիտէն վճռած է եղել զինել ուսմի, եթէ խաղաղութիւնը չվերականգնուի ամիսըստ:

ԹԻՖԼԻՍ, 19 փետրւարի

Դուրիայում զիւղացիները ապստամբական շարժման մէջ են: Սկսւած են զինւած ցոյցեր թէ՛ կառավարութեան, թէ՛ ազնական կալածատերերի դէմ: Իշխանութիւնը զինուորական ուժ ուղարկեց զենքերով Ալիխանօվի ղեկավարութեամբ: Գնեցրաւ Մալամայիմ մերկայացած պատգամաւորութիւնը խմբեց՝ արիւմանեղութիւն առաջ չբերել: Դուրիա է ուղարկւած պաշտօնային Գրեմ-Կրիյ՝ զիւղացիների զանգուտները լսելու և խաղաղացնելու նպատակով:

Յ Ե Ղ Ա Փ Ո Խ Ա Կ Ա Ն Կ Ռ Ի Ի

Կ Ռ Ի Ի Ն Ե Ր

ՍԱՍՆՈՅ ԵՒ ՄԾՈՅ ԴԱՃՏԻՆ ՄԷՉ

ՄԱՆՐԱՄԱՍՆ ՆԿԱՐԱԳՐՈՒԹԻՒՆ

(Շարունակ. № 2-ի)

Առաւօտը բացելուն պէս՝ թնդանթները սկսեցին որոտալ և ուռմբը պայթեցին Ալիանքի շուրջը. շատերն ալ խրեցան ձիւնի հաստ կեղևի մէջ և մնացին առանց պայթելու: Զինապատ և սառած դիրքերէն ֆէդայու մօսինը իր բերանը թշնամիներուն դարձուց: Դիմացի ձիւնապատ, սպիտակ տարածութիւնը սեցած կ'երևէր թշնամու անհամար շարքերէն: Թնդանթներու բերնէն թռչող առաջին ուռմբերու հետ սկսաւ շարժիլ դաշտի այդ սև ֆօնը: Իրկարաձգեցաւ, երբեմն ամփոփեցաւ և երբեմն բաժան-բաժան եղաւ, բայց զօրքերու կարգերը միշտ առաջացան, սուրներու անտառը փայլեց և հրացանները միահամուռ կրակեցին: Քրդերու բազմութիւնը ոչ կարգ կը ճանաչէր և ոչ կանոն. թրերը մերկացուցած, հարայ-հուրայ տալով կ'առաջնորդէր բանակը:

Հայ ֆէդային չորս ձիւնի ու սառույցի վրայ, մօսինը կուրծքին սեղմած, թափեց գնդակներ թշնամու վրայ. հրացանի բերնէն թռչող ամէն մի գնդակ իր սրտէն պոկող մի-մի վրիժառու սլաք լինէր կարծես, որ կերթար թշնամիներու կուրծքին մէջ մտնելու. իսկ վերև փողփողացող դրօշակը մահ կամ ազատութիւն կը կանչէր: Սուկալի էր կռիւը. թշնամու գնդակները կարկուտի նման կը թափէին և ջարդ ու փշուր կ'ընէին քար, հող, թուփ և կը սարսեցնէին լեռ ու ձոր. բայց անսասան էր ազատութեան տենդով բռնած ֆէդային, որ արագ-արագ գնդակներ կը տեղաւորէր թշնամիներու սրտին մէջ. առանց ուշադրութիւն դարձնելու չորս կողմ լժվժացող գնդակներուն և դէս ու դէն փշուրով, թափուող քարերուն ու հողերուն: Թշնամու կարգերու մէջ հազիւ ժամանակ կը գտնէր փոխադրելու դիակները: Թշնամին շատ յամառ կ'երևէր. ոչ մի զոհի առաջ նա միտք չունէր կանգ առնելու, միայն կը սեղմէր իր կարգերը և յառաջ կը քալէր: «Մենք այսօր Կէլիէկուզան պէտք է առնենք, Անդրանիկ փաշան Տափըլին է, Գէորգ Զաւուշ Իշխան-ձորն է», կը պօռային: Թշնամու անդադար առաջ խաղացող կարգերէն մերոնք պարտաւորած էին փոխել իրենց դիրքերը: Աւետիս, Իսօն, Մարտիրոս և Մոկացի Քեռին կը կուէին Անտոքի կողմէ վրայ. Հրայր, Սեպուհ, սէմալցի Կրպէն, Գէվօն և Մուշեղ որոշել էին անպայման կերպով կտրել թշնամիներու առաջ և մեռնել կամ ետ քշել զանոնք: Անհաւասար ու կատաղի կուէին մէջ կը վերաւորի Սեպուհը, կըսպաննէի աղբեցի խոհեմ ու ծարտար Գէորգը: Հրայր տեսնելով Սեպուհի վերաւոր-ւիլը, կերթայ ետեէն զայն հետը վերցնելու. Սեպուհ կը կանչէ, կ'աղաչէ Հրայրին թողնել զինք, չգնալ իր ետեէն, իրենց պաշտպանութեան համար աւելի բարձր, ամուր դիրքեր բռնել. բայց Հրայր չ'ուզեր անոր լսել ու կը պատասխանէ. «Կամ կըսպաննուիմ, կամ քեզ ալ ազատելով հետս կը տանեմ»: Թշնամիէն եկած գնդակները աւելի ու աւելի կը հետեւին Հրայրին, մինչև որ նա կ'ընկնի անոնց տարափին տակ: Վերաւոր Սեպուհը

կը համբուրէ անձնագոհ ընկերոջ գիակը և կը հեռանայ սող տալով. քիչ վերջ նկատելով որ բաւական ծանր է իր ստացած վէրքը, դաշոյնը կը հանէ ու կը փորձէ սիրտը խրել. բայց ընկերները նկատելով այդ, կ'առնեն դաշոյնը ձեռքէն և զինք ալ վերցնելով հետերնին կը տանեն: Մերոնք իրենց ուժերը կ'ամփոփեն Բէրբէրի կիրճի բերանը, ուր թիւրք զօրքը կը կուէր ամենամեծ թափով անցքը գրաւելու համար, որ իրենց պէտք է տանէր դէպի Կէլիէկուզան: Աւետիս, Իսօն, Համպոն պինդ կերպով գոցել էին կիրճի բերանը. կուի միջոցին մի սասունցի կին բարձր դիրքի մը վրայ կանգնած, կը կանչէ, կը խրախուսէ կուռններուն ասելով. «Հեթէ, տղէք, մալափա խպրտէք, Անթուան փաշէն Մաքնու դէն էկաւ, Գէորգ Զաւուշ էկաւ Իշխանորի կողմէ, տէ խպրտէք, ձեր հոգուն մատաղ, ըռօմ կոտորվաւ, պա-վէմը ժի խըպրտէք, ազգի հաց հալալ ըլնի ձի, հայ զինուորներ, որն որ պաշ չխըպրտի, կնկտուս սաւան էնոր գլխուն թալինք, հալա դէ հալա, դէ հալա, ասկարէ ռօմ կոտորվաւ, հայոց իմտատ շատցաւ»:

Երկար ջանքնի. տղայոց անսխալ հարածներէն կիրճի բերան զօրքը կանգ կ'առնի, գլուխը կը կորսնցէ և կըսկսի ետ քաշիլ: Փողը յառաջանալու, յարձակելու նշան կուտայ, բայց զինուորները ջարդած ետ ու ետ կը նահանջեն. այն ատեն մերոնք վրայ կուտան, ահագին զօրքը նախիրի նման առջևին առած կը հայածեն և շատերը ողջ-ողջ բռնած կը կոտորեն: Փախչող զինուոր-ներէն 41 հոգի չկարողանալով փախչել՝ աննկատելի կերպով կը պահուէին ձեռն հիւսի մը տակ և կըսպասեն հայերու քաշելուն, որպէս զի գնան և միանան բա-նակին: Կիրճի կուէին մէջ ծնկներէն ծանր կերպով կը վերաւորուի ախցիացի Մատոն (Մարտիրոս). երբ որ ընկերներէն մէկը կը մօտենայ անոր, թեւ կը մտնէ և կ'ուզէ դուրս տանել կուէն, նա կը պատասխանէ. «Դուք ինձնով մի վաղարիք, յաղթութեանը նայեցէք դուք, յաղթութեանը. եթէ թշնամիներ գան, ես կարող եմ զիս քարէ մը վար նետել»:

Այժմ տեսնենք, թէ ինչ վիճակի մէջ էին Զայի գիծը պահպանող մեր ընկերները: Հաճին և Մակար Զայի գլուխներ դիրքեր էին բռնած, իսկ Մուրատ մի քանի ընկերներով մնացել էր ջրի ափերը՝ չթողնելու համար որ թշնամին ջրէն անցնի: Բայց զօրքը յանկարծակի կը յարձակի, այնպէս որ Մուրատ ընկերներով ետ կը քաշուի յարմար դիրք բռնելու, երբ կը տեսնէ որ յարմար դիրք չկայ, ձայն կուտայ ընկերներուն ետ դառնալ և ան-միջապէս կը չորքն ձիւնի մէջ և կըսկսին կուիլ: Թըշ-նամու և անոնց մէջ տեղի տարածութիւնը կը լինէր մօտաւորապէս 600 քայլ: Մօսիններէն արձակած առաջին գնդակները գետին կը զլորեն թշնամիներէն մի քանիսը: Հաճին ալ բլրի գագաթէն կրակ կը թափէ թշնամու վրայ. այսպէս թիւրքերու թափը կը կոտորի և անոնք շեն համարձակի աւելի առաջ գնալ: Իրենց փոքր ուժի գէմ թշնամիների գնդի այդպէս անսպասելի կերպով կասիլը՝ մեծ ոգևորութիւն կը ներշնչէ տղայոց և Մու-րատ ընկերներու հետ պար կը բռնէ, ապա երգերով և կեցցէներով կը շարունակեն կուիլ մինչև ժամի 6-ը: Ժամը 7-ին Տափըլի կողմէն Անդրանիկն ալ կը հասնի: Ինչպէս սկզբին թիւրքերն էին յարկարձակի բերած և ետ քշած Մուրատն ու ընկերները, այժմ ալ կարգը մերոնց կուգայ փոխադարձաբար թիւրքերուն ընել: Միա-

ցած ուժերով հայերը կը յարձակին թիւրք զինուորներու վրայ և կոտորելով կը հալածեն մինչև Շէնըբ, ուր տակաւին կ'որոտային թնդանօթները: Վալին, որ բանակի հետ եկած էր անձամբ հրամայելու, տեսնելով որ զօրքը յաղթւած կը նահանջէ, ինքն ալ կը քանդէ վրանները և զօրքերը հաւաքելով Մուշ կը վերադառնայ:

Յաղթութիւնը հայերու կողմէն էր: Հայ զինուորներէն մի քանիսի ոգևորութիւնը այն աստիճան էր, որ հակառակ թանձրացող մութին, կուգէին էլի յառաջ արշաւել՝ բանակի ետ մնացած մասերու վրայ: Անդրանիկի կարգադրութեամբ բոլորը միասին հաւաքեցան, վերցուցին Հրայրի և միւս նահատակ ընկերներու մարմինները և եկան Կէլիէկուզան: Հանդիսաւոր կերպով Հրայր թաղեցաւ Սերոր-Աղբիւրի մօտ:

Այդ իրիկուն հայ զինուորները առհասարակ վերին աստիճանի աննախանձելի դրութեան մէջ էին: Ամբողջ կուռ ընթացքի մէջ վերջին աստիճանի ջղային լարւած դրութիւնը, տեղացող կարկուտն ու անձրևը, քաղցածութիւնը՝ յոգնեցուցած էին բոլորը: Այդ կուռ մէջ մերոնցմէ ինկան Հրայր, Մարտիրոս, Կրպէն, Աղբեցի Գէորգ, Կէլիցի երկու երեխաներ 10-11 տարեկան և պառաւ կին մը: Թշնամին սպաննեցան 800-1,000 հոգի, այսպէս որ կռիւներու տեղերը և զօրքի նահանջի ճամբան ամբողջապէս արիւնով ողողեցան: Մերոնք գրաւեցին 53 մազլէր 3,000 փամփուշտով: Կուռ մասնակցող ութ վաշտ զօրքը այսպէս էր բաժանուած. — երկու վաշտը կը կուէր 2այի մօտ, իսկ վեց վաշտը 3-4,000 քրդերու հետ կը յարձակէր Ալիանքի կողմէն: Կուռ տեղեց արշալոյսին՝ ժամը 11-էն սկսած մինչև երեկոյեան ժամը 1-ը (ը. թ.): Թշնամին նոյն օր պրեց Շէնըբ և Սեմալ գիւղերը:

7. ՄԵՐԿԵՐԻ ԿՈՒԻԼ

Ապրիլ 14-ի առաւօտեան, ժամը 10-ին, 6-700 քրդեր և 2-300 զօրքեր յարձակեցան Կէլիէկուզանէն երկու ժամ հեռու գտնուող Մերկեր գիւղի վրայ: Մերոնք այդ օրը զբաղւած էին դատարկ փամփուշտները լեցնելով: Մուրատ իր հետ վերցուցած մի քանի զինուորներ գնաց Մերկեր. բաւական կուելէ յետոյ՝ թշնամին թողուց աւարը ու փախաւ: Այդ օր կուռը շատ թեթեւ անցաւ:

Ապրիլ 15-ի առաւօտեան, Գէորգ 2աւուշ իր ընկերներով եկան Իշխնձորէն: Գէորգը և Խաս գիւղի Փոթորիկ քահանան, երբ նոր կը բացէր արշալոյս, բարձրացան Բէրբէրի հովիտի վերև և գիրք բռնեցին՝ ճիշդ այնտեղ, ուր նախորդ օր գիրք էին բռներ թիւրք զինուորները: Քիւրդերը կառավարութենէն նոր ուժ ստանալով՝ երկրորդ անգամ փորձեցին Մերկերի վրայ գնալ մերոնց տեսնելով և թիւրք պահապանների տեղ ընդունելով անոնց՝ կը բարեկեն, անոնց բարեկ պատասխանը կը լինի Գէորգ 2աւուշի գնդակը: Թշնամիներ յանկարծակիի գալով կը կրակեն հրացանները. կուռը կը տեւե երկու ժամ. շուտով կը հեռանան քրդերը՝ իրենց հետ տանելով մէկ սպանուած և մէկ վերաւորւած:

8. ԻՇԽՆՁՈՐԻ ԿՈՒԻԼ

Ապրիլ 16-ին Խիանքի և Փուսուրի կողմէն եկած էր երկու վաշտ զօրք գոցելու համար Իշխնձորի ճամբան, որպէս զի ժողովուրդէն ոչ ոք դուրս չգալ գիւղէն գաւառ

գնալու համար: Կռիւներու սկիզբը գրեւէն ի վեր՝ վտանգի և յարձակման ենթակայ գիւղերը կամաց-կամաց պարտաւորւած էին քաշիլ դէպի Սասնոյ կեդրոնական մասը՝ գաւառը: Այժմ կարգը եկած էր իշխնձորցիները տեղափոխելու: Իշխնձորի մէջ, իբրև քաջ կուռներ կը գտնէին Մուշի, Ապրոն, Լեոն, Մուկուչ և Տէրտէրի տղաները. ասոնք մէկ կողմէն կը կուէին և միւս կողմէն ժողովուրդը կը տեղափոխէին: Թիւրք զօրքին միացած էր նաև Խուլբի բոլոր աշիրէթները: Կուռը սկսելուն՝ հաւարը հասած էր Տալուրիկ: Սմբատ, որ այդ ժամանակ Տալուրիկ կը գտնէր, չկրնալով իր գիրքերը թողնել, օգնութեան կ'ուղարկէ Հրդիների իշխաններին, Պալոյի Գէվոյին և Օսմանին: Ասոնք մի քանի զինուորներով Իշխնձոր կը հասնին, կը բարձրանան Կապուրաբար և կը կուռն զօրքի հետ ճակատ առ ճակատ. իսկ վերեւէն ալ ձիւնը առատ կերպով կը թափուի: Երբ Իշխնձորի ժողովուրդը կը փոխադրուի և թշնամիները մութի պատճառով կը քաշին, մեր կտրիճներն ալ կը վերադառնան Տալուրիկ: Թշնամիներէն այդ օրը կը սպաննեն 5 հոգի:

Ապրիլ 17-ին՝ վահան նամակ էր գրած Տալուրիկ, Սմբատին, որպէս զի սա ժողովուրդը Կէլիէկուզան փոխադրէ: Միևնոյն ժամանակ թշնամուն դաշտի մէջ զբաղեցնելու և չթողնելու համար որ իր ամբողջ ուժերը կեդրոնացնէ Սասնոյ վրայ՝ կը կարգադրէ որ Առաքել և Պողոս հինգ ընկերներով դաշտ գնան այնտեղ ալ կուռներ սարքելու: Ասոնք երբ կուռ կը հասնին, կը հանդիպին պալաքցի քրդերու, որոնց հետ 1 1/2 ժամ կուելէն յետոյ, կ'անցնին դէպի դաշտ: Ապրիլ 10-ին պալաքցիներ, Խուլբի քրդեր և Մուսարեգի եղբայր Ղասըմ իր աշիրէթով, ընդամենը 2,000 հոգի, կը յարձակին Կէլիէկուզանի մի թաղի վրայ, ուր կը կուէր Միսթար: Կուռը կը տեւէ 3 ժամ: Քրդերը կը կորսնցնեն 8 հոգի և 8 հրացան: Այս անգամ կուռներն էին մասնաւորապէս Ավոյի Կարապետ, Եղօ, 2աթօ, շուշնամերկցի Առաքել, Գրգօ, քոփեցի Փուրթօ և մի քանի աղբեցիներ ու Կէլիէկուզանցիներ:

9. ԿԵԼԻԵ ԿՈՒԻԼ

Կառավարութիւնը իր ուժերը աւելի կը կեդրոնացնէր Սասնոյ մէջ. մինչև ապրիլի 18-ը՝ 40 հազար զօրք հաւաքեց Սասնոյ շուրջը: Կառավարութիւնը որոշած էր մի վճռական յարձակումով ջնջել սասունցիներու ուժը և լռեցնել բողոքի ամէն ձայն: Վտանգը անխուսափելի էր:

Անդրանիկ իր մօտ կը կանչէ բոլոր զինուորները և կը պատրաստէ ապագայ զինավարժութեան ծրագիրը. Կէլիէկուզանի շուրջը կը նշանակէ գիրքեր, կ'որոշէ խրմբապետներ ու անոնց օգնականներ և ցոյց կուտայ թէ ո՛վ ի՛նչ գիրքի վրայ պէտք է լինի:

2աթօն, Փուրթօն, Սրապիօն և մի քանի աղբեցի կտրիճներ կը բռնեն Տալուրիկի վերև մի աւերակ վանքի տեղը: Միսթարի խոռը (կէտիկ) կը բռնեն՝ Մակար, Կարապետ, Եղօն: Մճեղի (աղբիւր) գլուխը՝ Հաճին, զինուոր Գրիգոր, Օսէյի Ավէն և Կիրակոս: Կարմիր քարերը՝ Սարգիս և Ղազար: Տալազարայ գլուխը՝ Մոկացին, Քեթիկ Մանուկ և Ռէս Մանուկ: Բողոնցներ՝ Միսթար, Զօռէ Օհան և մի քանի շէնըբցի, սեմալցի ու Կէլիէկուզանցի կտրիճներ: Քեփրիշէրիֆ խան և Աղբեցի քարերը՝ Գէորգ 2աւուշ և Անդրանիկ: Բէրբէրի հովիտի

բերանը՝ Աւետիս և Արամ: Ռաջալներ՝ Տիրացու Օհանեսի գոմը՝ Մուրատ և Կուրապցի Բեռին:

Ապրիլ 20-ին պէտք եղաւ ամրացնել նաեւ հետեւեալ դիրքերը:—

Ամպրների գլուխէն մինչև Շաշկայ-Մուշէն պաշտպանեցին՝ մուշեցի Սմբատ և փարկացի Սարգիս: Հիւրի-նակու արտերը՝ Անդրանիկ, Մուրատ և Աւետիս: Խտանայ կողմէն մինչև Փուշփուշի տակը՝ Գէորգ 2աւուշ, Արամ, Սմբատ և մոկացի Գրիգոր:

Իւրաքանչիւր խմբի մէջ կը գտնուէր 10 կանոնաւոր հրացան, որոնցմէ 3-4-ը մօտին, մնացածները բերդանկ. կանոնաւոր հրացաններուն կը միանար և չախմախիով զինւածներ:

Թշնամին իւր թնդանթները աւելի կը մօտեցնէր և կը զետեղէր մերոնց բռնած դիրքերու դիմաց: Թնդանթ-թաճկութիւնը երկու օր շարունակեցաւ: Վուրի միջոցին Հալին և զինուոր Գրիգոր իրենց համար նշանակած դիրքէն աւելի առաջ անցան և սկսաւ կուրծք կուրծքի կռիւ: Մերոնցմէ 11 հոգի կը վերաւորուին ու ետ կը քաշին նշանակած դիրքի մէջ: Թշնամու հրացանները քիչ անգամ կը գործէին, բայց թնդանթները երբեք չլուեցին, մեր դիրքերէն յայտնի չէ ո՞ր մէկի վրայ 32 ռումբ արձակեցաւ: Սէմալի և այս կռիւներուն 15 թնդանթներ ընդամենը 1,500 ռումբ թափեցին հայերու դիրքերու վրայ:

Վուրն ու դիմագրութիւնը տեւեց մինչև ապրիլի 22-ը: Մերոնց փամփուշտը սպառուելու կը մօտենար, ատոր համար չուղեցին երկար դիմագրութեան մէջ իրենց ամբողջ պաշարը սպառել, մօտեցնելով որ մնացածը աւելի նեղ օրւան համար հարկաւոր պիտի լինի: Այլուճակի մէջ որոշեցին պարպել Վէլիէկուզանը, ուր հաւաքւած էր գիւղի բնակչութիւնը և գաշտ իջեցնել ժողովուրդը: Զինուորներէն 100 հոգի, ժողովուրդը հետը վերցուցած, ուղևորեց դէպի դաշտ: Վէլիէկուզանի շուրջը, դիրքերէն դիմագրութիւնը շարունակեց, մինչև որ ժողովուրդը պարպւեցաւ:

Անդրանիկ, Վահան և Գէորգ 2աւուշ բարձրացան Վուրջէկ այնտեղ շարունակելու կռիւ: Իսկ Մուրատ, Սմբատ, Փարհատ, Աւետիս և անոնց հետ եղող զինւորները, ընդամենը 115 հոգի, ժողովուրդը անցկացնելէ և դէպի դաշտը ճամբելէ յետոյ, կ'ուղևորին ուրիշ ճանապարհով մը դէպի դաշտ: Անոնց միացեր էին նաեւ թիւրք զինուորներէն 4 հոգի, որոնցմէ մէկը մասնաւորապէս լաւ կը կուէր քիւրդերու և զօրքերու դէմ:

(Շարունակելի)

ԲԱԳԻՒԻ ԴԵՊՔԵՐԸ

(ՆԱԽԱԿՈՎ)

I

Բազու, 10/23 փետրւարի

Կառավարութիւնը հասաւ իր նպատակին: Ամիսներէից ի վեր նա թիւրք ամբոխին գրգռում էր հայերի դէմ: Վերջերս սկսեց նաեւ զինել: Թիւրք Աշիւ բէյի փետրւարի 6-ին տեղի ունեցած սպանութիւնը եղաւ ազդանշան: Կառավարութիւնը, ուզենալով խեղդել սպասուող զինւած ցոյցը, որի մասին լուրեր էին պատուած քաղաքում՝ դիմեց իր սովորական «միջոցին»: Ահա փաստեր:

Մի քանի օր առաջ նահանգապետ Նակաշիճէն առաջարկում է հարուստ թիւրքերին մի քանի օրւայ համար պաշար գնել, պատրականով, թէ հայերը ցոյց են պատարաստում: Միաժամանակ ոստիկանութեան ստորին պաշտօնեաները, որոնք անմիջական կապեր ունեն ժողովրդի տականքների հետ, թիւրք սրիկաներից կազմում են խմբեր և զինում օֆիցերական ատրճանակներով: Վուրի ժամանակ թիւրքերի մեծ մասը այդ ատրճանակներով էր զինւած: Այդ դեռ բաւական չէ: Վուրի օրերին՝ թիւրքերը 2եմբերիքէնտի կողմերում շարունակ մտնում էին ոստիկանատուն և փամփուշտներ ստանում: Բալախանից և Սև քաղաքից Բագու էին գալիս զինւած թիւրքեր և հայեր: Առաջինները կոտորելու և թալանելու համար, իսկ հայերը՝ յեղափոխական զինւորները՝ իրենց անզէն ժողովրդին պաշտպանելու համար: Պահապան կօզակները քաղաք մտնող թիւրքերին բաց էին թողնում ազատ և անարգել, իսկ հայերին խուզարկում և զենքերը խլում: Այս բոլորը փաստեր են, որոնք ժամանակին—եթէ դատ և քննութիւն լինի— բիւրաւոր ականատեսների վկայութեամբ կ'ապացուցւի:

Անցնենք կռիւներին: Առաջին օրը երկու կողմից էլ 6 հոգի սպանւեցին և վիրաւորւեցին: Այդ օր չէր եղած զրում և չէր հաւատում, որ զրան կը հետևի մի սոսկալի կոտորած: Միայն կառավարութիւնն էր, որ նախատեսում էր ամէն ինչ և կրակի վրայ իւղ ածում: Միւս օրը հազարաւոր թիւրքեր, յանկարծ, անսպասելի կերպով յարձակում գործեցին անզէն ժողովրդի վրայ և սկսեց կոտորածը... Ոստիկանութիւնը ոչ միջամտեց և ոչ էլ օգնեց: Նախորդ ցոյցերի ժամանակ հազարաւոր զօրքեր էին երևում, իսկ ջարդի օրը և ոչ մէկը կար... Հայերը դիմեցին նահանգապետին և օգնութիւն խնդրեցին: Իսկ նա անգաղար նոյն էր պատասխանում. «Զօրք չկայ, ի՞նչ կարող եմ անել»: Դիրք ունեցող հայերը խնդրեցին զենք տալ հայերին ինքնապաշտպանութեան համար — մերժեց: Հ. Յ. Դաշնակցութեան տեղական կօմիտէն գրաւոր դիմումով յայտնեց նահանգապետ Նակաշիճէին. «Պաշտպանեցէք ժողովուրդը, թէ չէ անձամբ պատասխանատու կը լինեք»: Դարձեալ ոչ մի արդիւնք:

Իրիկնադէմին միայն զօրքեր երևացին, այն էլ ինչպէս երևում է, որոշ հրահանգներով: Նախ երկար ժամանակ զենքի չէին դիմում և այդպէս կողմնակի կերպով խրախուսում էին թիւրք ամբոխին, իսկ կօզակները մեծ գուժարներ էին պահանջում անզէն ընտանիքներին տնից տուն, կամ տնից կայարան փոխադրելու համար:

Դաշնակցութեան կօմիտէն երկու օր ապարդիւն սպասելուց յետոյ, որոշեց դիմել զենքի: Սրտի ցաւով նա խաչ գրեց տարիների համերաշխութեան փորձերի վրայ, հաւաքեց իւր զինուորներին և քաղաքի մեծ մասը թիւրքերի յարձակումներից պաշտպանեց: Յեղափոխական զինւորները երկու ժամւայ ընթացքում քաղաքի կենտրոնից վտնեցին թիւրքերին: Դա միակ օգնութիւնն էր, որ անպաշտպան ազգաբնակչութիւնը ունեցաւ ջարդի օրերին¹⁾:


Ամբողջ ազգաբնակչութիւնը միաձայն մի բան է պահանջում՝ գտնել յանցաւորներին:

1) Պարտք ենք համարում յիշել, որ դաշնակցական խմբերի շարքերում կուում էին երկու նշակեալ, որոնք դրին մեր տրամադրութեան տակ 375 ատրճանակի փամփուշտ:


ԲԱԳԻՒՆՆԵՏԻ ՀԱՅ ԱՌԿԵՐԻՑ



ՓՈՂՈՑԻ ՄԷՋ ԸՆԿԱԺ ԴԻԱԳՈՍՏ



ԽՐԾՆՑ ԲՆԱԿԱՐԱՆՆԵՐՈՒՄ ԱԺԽԱՅԱԺ ԴԻԱԳՆՈՐ



ՄՕՐ ԱՐԳԱՆԴԻՑ ՀԱՆՔԱԺ ԵՐԵՄԱՆԵՐ

II

Բագու, 12/25 փետրւարի

Շարունակում եմ նկարագրել, ժամանակագրական կարգով:

1) Այսօր փետրւարի 7-ին, տեղական հայ և թիւրք ազգեցիկ քաղաքացիներ գնացին նահանգապետի մօտ և խնդրեցին, որ միջոցներ ձեռք առնի քաղաքում կատարւած գաղանթիւններին վերջ դնելու: Նահանգապետը նրանց ընդունում է շատ սառն կերպով և բացարձակ յայտնում, որ թէ ոչինչ անել չի կարող, առարկելով, որ զինւորական ուժ չունի: Ծարօրինակ պատասխան, — ամենամեծ ցոյցերի ժամանակ նրա ունեցած ուժերը բաւական են լինում մի երկու ժամւայ մէջ ցրւելու ցուցարարներին, իսկ կոտորածի ժամանակ՝ ուժը անհետանում է...

2) Այսօր հայոց առաջնորդի մօտ են եղել նահանգապետ նակաշիձէ և մահմետականների ղազին: Առաջնորդը դիմել է նահանգապետին ասելով, որ իշխանը թող է շարժւում և հարկաւոր միջոցներ ձեռք չի առնում կոտորածը կանգնեցնելու համար, աւելացնելով, որ «թէ ուզենայիք, երկու ժամում կարող էիք ընդհատել այս բարբարոսութիւնը»: Նահանգապետը աչքերը գետին յառած՝ լուռ թիւն է պահպանել: Յետոյ երբ առաջնորդը նորիս հետ նկատողութիւններով դիմում է թիւրք կրօնաւորին և հասկացնում, թէ որչափ անմիտ և աննպատակ բան է՝ թող տալ երկու հարեան, միասին ապրող ժողովրդին իրար խողովել, ղազին թիւրքերէն լեզուով պատասխանում է. «Ես էլ լաւ եմ հասկանում այդ բայց մեղաւորը մենք չենք, այս ողջ եղեռնագործութիւնը սրա սարքած բանն է», աւելացնում է նա, պարզ ակնարկելով նահանգապետ նակաշիձէին...

3) Հայոց վարդապետը, որ ապրում է եկեղեցու մօտ, պատմում է հետեւեալ փաստը: Մի խումբ անգէն հայեր անցնում էին Պարպետով: Յանկարծ փողոցի մի անկիւնից վրայ պրծաւ զինւած թիւրքերի մի խումբ և յարձակեց փախչող հայերի վրայ՝ յետեւից ատրճանակներ պարպելով: Փափշոռներից մէկը ընկաւ, միւսները անյայտացան: Պարպետում կարգը պահպանելու համար նշանակւած կոզակները և զինւորները տեսան, բայց տեղից էլ չշարժեցին, նրանք զրոյց էին անում իրար հետ:

4) Մի այլ ականատես պատմեց հետեւեալը. «Ես անցնում էի Տէլէֆօնեան փողոցով, երբ նկատեցի, որ մի խումբ զինւած հայեր են գալիս դէմս: Ներքեւից էլ գալիս էին կոզակները: Վերջինները հայերին շրջապատեցին և հրացանների մի զաւյալ տւին օդի մէջ և փախցրին նրանց, միջոցաւ նոյն փողոցում ազատ կերպով շրջապարում էին զինւած թիւրքերի խմբեր, և կոզակները նրանց ոչինչ չէին անում:

5) Մի ուսու իսկական չինոյնիկ, որի հայասիրութեանը կասկածել չի կարելի ամենեւին, պատմում է իր աչքով տեսածը. «Ցիցիանովի փողոցում հայերին պատկանող շորեղէնի խանութները թիւրքերը թալանում էին և ամենահանգիստ կերպով ապրանքը կրում դէպի իրենց տները: «Կարգը պահպանելու համար» այնտեղ գտնուող կոզակները լուռ հանդիսատեսներ էին միայն: Երբ մօտեցայ և հարցրի, թէ այս ինչ խայտառակութիւն է, որ թող են տալիս իրենց աչքի առաջ խանութներ, ջարդել և կողոպտել պատասխանեցին. «Նե պրիկազմի» (հրամայւած չէ):» Տեղական իշխանութեան կարգադրու-

թեամբ՝ մի ամիս առաջ ոստիկաններից առել են նրանց ատրճանակները: Երբ ոստիկաններին յանդիմանում էին նրանց բռնած չէզոք դիրքի համար՝ նրանք շատ խորհրդաւոր կերպով ցոյց էին տալիս իրենց կողքից կախւած ատրճանակի կաշւէ պատեանները և զուլխները շարժում: Այս փաստը ստուգւած է շատ մարդոց ձեռքով:

6) Շրջակայ թիւրք գիւղերից՝ բերդաններով զինւած թիւրք խմբերը անարգել թափւում էին քաղաքը: Իսկ Բալխանիից եկած 40-50 հայ բանւորներին կայարանում կոզակները շրջապատում են, վերցնում են զենքերը և վերագործնում Բալխանի: Այս փաստը վկայում են շատ շատերը, ինչպէս հայեր, նոյնպէս և ուսաները, որոնք իրենց աչքով են տեսել:

7) Քաղաքը ընդհանուր սարսափի մէջ է: Ով որտեղ, ինչ շինութեան մէջ եղել է, այնտեղ էլ փակւած մնացել է, բացի չէկամօրուս և չէկահեր մարդկանցից, որոնց իբրեւ ուսանելի, թիւրքերը խնայում էին: Ուսումնարաններում՝ թէ տղայոց և թէ օրիորդաց, աշակերտները փակւած մնացել են երկար ժամանակ: Հայ ծնողները հնարաւորութիւն չունէին իրենց երեխաների յետեւից գալու: Բանկերը, գրասենեակները, խանութները ամբողջապէս փակւած են: Ձիաքարը դադարել է, կառք ամենեւին չկայ: Կեանքը մեռել է: Լսւում է միայն հրացանաձգութեան սարսափելի որոտը: Հարուստ և բարեւէն քաղաքի փողոցները ահռելի պատկեր է ներկայացնում: Դիակները թափւած են այս ու այն կողմը: Հաւաքող չկայ: Շատ ընտանիքներ մնացել են անհաց և անջուր, բայց դուրս գալու հնարաւորութիւն չունեն, որովհետեւ թիւրքի թաղերում են ապրում: Դրութիւնը սոսկալի է:

8) Բալխանիից հաղորդում են հեռախօսով, որ այնտեղ ևս սկսւել է խմորում և շարժում բանւորների մէջ: Մի քանի տեղ ընդհարումներ են տեղի ունեցել: Սաբունչիի հիւանդանոցն է բերւած 4 սպանւած, որից 3-ը հայ է, 1-ը ուսու: Արդեօք թիւրքերից սպանւածներ կան թէ ոչ, յայտնի չէ. նրանք իրենց ընկածներին կամ վերաւորներին հիւանդանոց չեն տանում, այլ իրենց տները: Բիրի-Հէյրայից նոյնպէս լուրեր են գալիս, որ այնտեղ էլ սկսւել է շարժում: Հայ բանւորները այնքան յուզւած են, որ ձգել են աշխատանքը և պատրաստւում են քաղաք գալու:

III

Բագու, 21 փետրւարի

Գրում եմ ձեզ «ոտի վրայ», ընկերներից մէկի բնակարանից: Մենք այժմ պատերազմական դրութեան մէջ ենք: Լսւում են անդադար հրացանի և ատրճանակի ձայներ: Քաղաքը բաժանւած է երկու մասի — մի մասը հայերի, միւս մասը թիւրքերի ձեռքին է: Երբեմն հայերն են յարձակւում և խլում նրանց դիրքերը, երբեմն թիւրքերը: Փողոցներով մի-մի անգամ անցնում են կոզակներ, բայց ոչ մի միջոցի չեն գիտում սոսկալի կռիւն դադարեցնելու համար: Փողոցներում ընկած են հայերի և թիւրքերի դիակներ: Այլևս ոչ ոք չէ հարցնում, ո՞վ է արդարը կամ մեղաւորը: Հայը խփում է թիւրքին, թիւրքը հային:

Երեւի՝ կը զարմանաք և կը հարցնէք, թէ ի՞նչ պատահեց, ո՞ւր է համերաշխութիւնը հարեան ցեղերի մէջ, ինչո՞վ վերջացան այն բոլոր յորդորները, որոնցով դիմում էր մեր կազմակերպութիւնը բոլոր ազգութիւն-

ներին. — այդ բոլորը ողջ ցնդեց և անշուք միայն արևն և կորուստ:

Այս տխուր ընդհարման պատճառը բաւական խոր է. նրան պէտք է որոնել ոստիկանական այն «խաղերի» մէջ, որ կազմակերպւում էին Գօլիցինի և նրա արբանեակների թելադրութեամբ՝ հարևան ազգերի մէջ երկպառակութիւն սերմանելու նպատակով: Պէտք է չաղտուրեց Գանձակում, Երևանում և Հուշում, բայց Բագրի ճահիճը սոսկալի կերպով լռեցնուց և երևան եկան այն սոսկալի աղէտները, որոնց ինչով վերջանալը դեռ ևս մեզ յայտնի չէ: Այդ սոսկալի երկպառակութիւնների գլուխը անցել են ղեկիւրով՝ առանձին յանձնարարութիւնների պաշտօնային նահանգապետի մօտ, նախկին պրիստաւ Մամեդբեկով՝ Միրզաբեկեանցի գործարանի գէպքերի հերոսը և Աշուրբեկի Գեւ. մի քանի ամիս առաջ դրանք սրում էին թիւրք ամբոխը հայերի դէմ, որի հետևանքը եղաւ Միրզաբեկեանցի գործարանի կոխը, ուր պրիստաւ Մամեդբեկով անցնելով թիւրքերի գլուխը՝ առաջինը եղաւ հրաման տուողը, որ կոտորեն հայերին: Բարեբախտաբար կոխը վերջացաւ մի քանի զոհերով միայն և փոթորիկը անցաւ: Սակայն ժամանակակից լուծութիւնը, ինչպէս երևաց, նման էր փոթորիկից առաջ տեղի ունեցած խաղաղութեան...

Առիթ, իհարկէ, դժուար չէր գտնել: Միրզաբեկեանի գործարանի աղէտից յետոյ, մի թիւրքի վրայ, որը շատ մեծ դեր է խաղացել այդ կուրի ժամանակ, ատրճանակ են արձակում: Գնդակը վրիպում է և թիւրքը ազատուած: Մամեդբեկովը այդ վերադարձում է ոչ թէ միայն մի հայի, այլ հայերին, և հիմնաւ այդ անտեղի ենթադրութեան վրայ, մտածում է վրէժ լուծել: Հատ չանցած, նա յարձակում է Միսակ անունով երիտասարդի վրայ և սպանում նրան, երբ վերջինս, առանց ունէ կասկածի անգամ, օրը ցերեկով անցնում էր փողոցով: Դէպքը պատահում է 1904-ի դեկտեմբերի սկիզբներին: Այդ անպարտ սպանութիւնը սաստիկ յուզում է Միսակի ընկերներին, բայց սակայն քիչ անցած հանգստանում են և ամէն բան կարծես անցնում էր լաւ: Մի քանի ժամանակից յետոյ, երբ սպանող թիւրքը դատաւանից բանտ վերադառնալիս փորձում է փախչել՝ սպանւում է պահական զինուորի ձեռքով: Զինուորը, ազգով հայ էր, և ահա այդ պատահական հանգամանքը բաւական էր շատ թիւրքերին գրգռելու: Դրանք տարածում էին, թէ թիւրքը սպանել է հայերի թելադրութեամբ: Այդ անախորժ դէպքին յաջորդեցին մի քանի գաղտագողի սպանութիւններ, մօտաւորապէս 8 հոգի, բոլորը հայերից — մի փաստ, որ շատ բուռն կերպով գրգռեց հայերին: Այդ մի կողմից, իսկ միւս կողմից նահանգապետ նահալիճէն սկսում է կրակի վրայ իւր լցնել. մի քանի անգամ կանչում է թիւրքերին, խրախուսում է նրանց և յորդորում է պատրաստելը...

Միաժամանակ լուրեր էին պտտում — շնորհիւ ոստիկանութեան — թէ հայերը պատրաստուում են զօրակոչի առիթով ցոյցեր անել: Ոստիկանութիւնը լուր տարածեց, թէ այդ ցոյցերը ոչ թէ կառավարութեան դէմ են լինելու, այլ գլխաւորապէս թիւրքերի. այդ լուրի նպատակն էր կոխ առաջ բերել երկու ազգերի մէջ և մէջտեղից վերցնել «քաղաքական» վտանգաւոր տարրը...

Դեռ դէպքից մի քանի օր առաջ լսեցինք, թէ թիւրքերը պատրաստուում են ոստիկանութեան ջանքերով,

բայց և այնպէս մենք աշխատում էինք դաշնակցական ջրհաններում հանգստացնել մտքերը, և միւս կողմից սկսեցինք պրօպագանդ անել թիւրքերի մէջ համերաշխութիւն քարոզելով: Եղան մի քանի ժողովներ թիւրքերի հետ միասին. մինչև իսկ փորձեր եղան թէ եկեղեցում և թէ մէջիցներում՝ քարոզներ խօսելու, բայց այդ բոլորը ոչ մի հետևանք չբերեցին...

Երէկ բոլորովին անսպասելի մի առիթ ներկայացաւ և լցած բաժակը թափուց: Կիրակի օրը, փետրւարի 6-ին, ահագին հասարակութեան ներկայութեամբ, Պարապետի վրայ մի թիւրք մի հայ զինուորի վրայ ատրճանակ է արձակում. ոմանք ասում են, թէ դա սպանւած թիւրքի եղբայրն է, որ վախ էր մի քանի հայ զինուորների սպանել իր հղթոր վրէժը լուծելու համար: Կիրակի օրը անցնելով հայոց եկեղեցու մօտով, ուր մեծ բաղմութիւն էր հաւաքւած և նկատելով զինուորներին, թիւրքը ատրճանակ է արձակում նրանց կողմը և վիրաւորում մէկին ոտքից: Դէպքը այնքան արագ է կատարուում, որ մի վայրկեան բոլորը շփոթում են և չեն կարողանում իմանալ, թէ ո՞վ էր յանցաւորը. միայն ատրճանակի ծուխը թիւրքի կողմից լինելով, ենթադրում են, որ նա է արձակողը, բռնում են և ուզում են խուզարկել՝ հաստատ համոզւելու համար, սակայն թիւրքը թոյլ չի տալիս: Այդ պատճառով նրան նստեցնում են կառք և ուղւում են տանել ոստիկանատուն: Ամբոխը պահանջում է անպատճառ խուզարկել. կանգնեցնում են կառքը թիւրքը շարունակում է զիմադրել: Յանկարծ կառքից թէ կառքին շատ մօտ տեղից՝ արձակում են ատրճանակ. թիւրքը փախչում է. ամբոխը նրա յետևից: Զայրացած ամբոխը Պարապետի միւս ծայրին հասնելով փախչողին՝ սպանում է նրան: Ոստիկանութիւնը միշտ անուշադիր է այդպիսի դէպքերում, այս անգամ էլ բացակայում էր և հետևաբար չկարողացաւ միջամտել և կանգնեցնել ամբոխը:

Թիւրքերը այդ լսելուն պէս՝ աղմուկ են գցում, առանց երկար մտածելու իսկոյն զինւում և զուրս գալիս փողոց: Սկսում է խաղաղ ազգաբնակչութեան կոտորած. դիակները փռւած էին փողոցում մէկը միւսի յետևից մինչև ժամը 7-ը. հիւանդանոց էին տարիւ 19 մարդ, որոնց մի մասը սպանւած, միւսը վիրաւոր:

Ժամը 7-ին, ըստ երևոյթին, սկսեց խաղաղել, բայց մի ժամից յետոյ, քաղաքի զանազան մասերում, նորից սկսեց հրացանաձգութիւն և տեւեց մինչև ուշ գիշեր: Կոտորածի առաջն առնելու համար, Դաշնակցութեան Կենտրոնական կոմիտեն խմբագրեց մի նամակ նահանգապետի անունով և ուղղակի նրա պատճէնները ուղարկւեցին նահանգապետի օգնականին և ոստիկանապետին: Նոյն գիշերը հասարակութեան ստիպմամբ՝ հայոց Անանիա եպիսկոպոսը տեսնեց նահանգապետի հետ և պահանջեց խիստ միջոցներ ձեռք առնել անկարգութիւնների դէմ: Բայց խորամանկ նահանգապետը հաւատաքրել էր թէ «ինքը անգոր» և հրաւիրում է զանազան ազգեցիկ մարդկանց իրեն աջակցելու:

Որպիսի՞ անամօթ ստախօսութիւն: Եթէ բանւորները փորձէին բարձրացնել կարմիր դրօշակ, ամբողջ փողոցները կը լցէին զօրքերով (ի դէպ այժմ քաղաքում գտնւում է մօտ 6,000 զինուոր, որոնք բերել են ապագայ ցոյցերը դադարեցնելու նպատակով), իսկ այժմ ոչ ոք չէ երևում թէ զինուորներից և թէ ոստիկաններից և ամէնքն էլ դարձել են «անգոր»:

Գիշերը մի կերպ անցկացրինք, որոշելով միայն մի քանի ատրճանակ ցրել ինքնապաշտպանութեան համար, խստիւ պատւիրելով նախարարական չլինել: Այսօր առաւօտեան, երբ արդէն ամէն ինչ խաղաղ էր երևում, ենթադրեցինք թէ ընդհարումը արդէն վերջացաւ: Եւ իրաւ: Փորձեր եղան խանութները բանալու: Վարդիկ դուրս եկան փողոց: Մեր առաջին գործը եղաւ դուրս գալ և մտքերը խաղաղացնել: Դեռ մեզ չէր յաջողւել մի երկու տեղ անցնել, մինչև իսկ վերաւորների ճիշդ թիւն իմանալ, երբ լուր բերին, թէ Բալախանից մի քանի տասնեակ թիւրքեր են եկել և արդէն խանութները նորից փակւում են մէկմէկու յետևից: Մի ժամ անցած խանութների մեծամասնութիւնը արդէն փակւած էր և ամէնքն էլ սարսափահար փախչում էին: Թիւրքերը արդէն մօտենում էին քաղաքի կենտրոնին: Մի քանի լուսկում քաղաքի զանազան մասերը կտրեցին միմեանցից և անց ու դարձը դարձաւ անկարելի: Թիւրքերը իրենց ձեռքն առան Համախինկայ, Արմանսկի և Վարանցովսկի փողոցների մի մասը, Բազարնայա փողոցը և Պարապետի մի մասը, իսկ Սև քաղաքի կողմից Տէլէֆօննայա փողոցի մի մասը, կենտրոն է Մալականսկայա փողոցը, Մալականսկի այգու չորս կողմը մինչև Տէլէֆօննայա, Մարի-նսկայա, Գիմնազիսկայա և դրանց զուգահեռական փողոցները հայերի ձեռքն էին: Ատրճանակների ձայները լսւում էին ամէն կողմից, դիակները փուլում էին մէկը միւսի ետևից, անցուղարձը դադարեց, օտարազգիները խնայւում էին երկու կողմից ևս:

Թիւրք խուժանը սկսեց յարձակւել հայերի այն խանութների վրայ, որոնք գտնւում էին Յիցիանովի սկզբի դիմաց: Դաշնակցական կոմիտէն նկատելով, որ խուժանը չափը անցնում է և ոստիկանութիւնը այլևս ոչ միայն չէ արգելում, այլ և խրախուսում, աջակցում է՝ որոշեց մտնել ներգործական դերի մէջ և կուբր ժամը 2-ից թիւրքերը այլևս չէին համարձակւում անցնել քաղաքի որոշ թաղերով: Սակայն հարկաւոր էր մտածել և քաղաքի միւս տեղերի մասին: Տարաբախտաբար մեր ձեռքի տակ եղած զէնքերը, այնքան քիչ էին, որ պէտք էր մտածել պահեստառից ձեռք բերելու, վերցնել բոլոր եղածները և թող չտալ, որ խուժանը իշնի մեր սահմանները: Ձեռքի տակ եղած զէնքերը, փամփուշտները և զինւորները ուղարկեցինք քաղաքի միւս մասերը ամրապնդելու: Նոյն օրը հնչակեաններից եկան մեզ մօտ և յայտնեցին, որ իրենք ունեն փամփուշտ և ատրճանակ: Սակայն դրանք գտնւում են շատ անապահով տեղ և պէտք էր հանել: Այդ կատարեց, բայց անշան էր քանակը — մօտ 275 փամփուշտ:

Մերոնք քաջաբար պաշտպանեցին բոլոր դիրքերը իրենց փոքրիկ զէնքերով: Մի խումբ ընկերներ օրինակելի անձնւիրութեամբ, վտանգի ենթարկւելով, բերեցին և բաժանեցին զէնքերը:

(Շարունակելի)

IV

Բագու ^{13/26} փետրւարի

Բագուն բոլորովին փոխւել է, ինչ չէինք տեսել, տեսանք: Դէպքից յետոյ ահագին յեղաշրջում եղաւ: Հաշտութիւնից յետոյ, ամէն օր թէ Բագու և թէ Բալախանի տեղի են ունենում միտինգներ, 3-4,000 մարդուց բաղկացած: Հոգեւորները, նախ քան խօսելը, պարզ կերպով յայտնում են, թէ իրենք ինչ կուսակցութեան են

պատկանում: Հոգեւորների մեծագոյն մասը թիւրքերից են: Խօսել է «Կասպի» լրագրի խմբագիր Թոփչեբաշւիւն, նրա աշխատակից Ադանվը և մի քանի ուրիշ ինտելիգենտ թիւրքեր: Վերջիններից մէկը իմիջի այլոց հետեւաւ փաստն է պատմել: «Կոտորածի երկրորդ օրը, երբ կրակ էին տւել Լալայեանի տունը, նահանգապետը փողոց է դուրս գալիս պրիստաւ Հախտախտինսկու հետ՝ շրջապատւած 50 կօզակներով: Հասնում են Համախինկայ, ուր այլուում էր Լալայեանի տունը, միջի մարդկանցով: Թիւրքերը տեսնելով, նահանգապետին՝ զէնքերը թաքցնում են: Նահանգապետը կանչում է նրանցից մի քանիսին և շատ քաղցր ձայնով ասում. «Մի թաքցնի, ի՞նչ սխառտի են ձեր ատրճանակները, արգեօք շատ մարդ սպանեցիք, և աւելացնում է. սպանեցէք ինչքան կարող էք, միայն տները այդպէս մի աւերէք»: Նահանգապետը խօսում է ոռուներէն, իսկ Հախտախտինսկին թաղամանում է նրա խօսքերը թիւրքերէն: «Հայերը թագաւորի դէմ են գնում, նահանգապետը հրամայում է բնաջինջ անել հայերին՝ իրենց գոյքով»: Իւրաքանչիւր խօսող իր ձառը վերջացնում է «կորչի՛» ոստիկանութիւնը, կորչի՛ միապետութիւնը՝ խօսքերով և հազարաւոր ամբօխը կրկնում է «կորչի՛, կորչի՛»:

Չորրորդ օրը ոստիկանութիւնը փորձեց խանգարել այն ժողովը, որը նշանակւած էր ցրիկում: Հասարակութիւնը ցրիկից վերադարձաւ կլուրը և դռները կոտրատելով ներս թափւեց: Մի երկու ժամից յետոյ գալիս է ոստիկանապետի տեղապահ (ոստիկանապետ Դեմիսկիյ հեռացրւած է արդէն) և խնդրում է ցրւել, բայց հասարակութիւնը թող անգամ չի տալիս նրան վերջացնել խօսքը՝ ազադակելով «կորչի՛ ոստիկանութիւնը»: Ոստիկանապետը ստիպւած հեռանում է:

Նոյն օրը կար և ուսանողական ժողով: Ուսանողները տեղ չգտնելով՝ կոտրում են ամառայ կլուրի դռները և այնտեղ հաւաքւում: Բոլոր միջնակարգ դպրոցների աշակերտները վճռել էին դադարեցնել պարապմունքները, մինչև որ չքննեն արիւնհեղութեան պատճառները և չպատժեն մեղաւորները: Այսօր ուսուցչական ժողով կար, ծնողները հրաւիրւած են խորհրդի:

Միտինգներ են լինում և միւս քաղաքներում: Թիֆլիս, վանքի բագում հոգեհանգիստ է կատարւել 7-8,000 հոգու ներկայութեամբ: Հոգեհանգստից յետոյ խօսողներ են եղել:

Թիֆլիսում տարածւել է մի թուուցիկ, որով զգուշացնում են վրացիներին, իբր թէ հայերը պատրաստուում են կոտորել նրանց: Վրացիները գլխի են ընկնում, թէ ի՞նչ աղբիւրից է այդ լուրը: Յայտնւում է, որ Բագուի դէպքից երկու ամիս առաջ, այնտեղ էլ թուուցիկ է տարածւել թիւրքերէն լեզուով, որի մէջ ասւած է եղել, թէ հայերը պատրաստւում են կոտորել ձեզ, թիւրքեր, պատրաստեցէք և մտածեցէք ինքնապաշտպանութեան մասին: Խոստովանում է այժմ ամէն մի թիւրք:

Այս քանի օրս այստեղ տարածւել էին, թէ հայերն ու թիւրքերը կոտորելու են ոռուներին: Հետեւեալը այն եղաւ, որ ոռու բանւոր դասակարգից 400 հոգի, կին թէ տղամարդ, հեռանում են քաղաքից: Քաղաքի բնակիչների ^{1/3}-ը հեռացել է քաղաքից: Հատ հայ խանութներ գեռ ևս փակ են: Ամէն մի ձայն, ամէն մի աղմուկ ստիպում է մարդկանց փակւել տներում: Սարսափը այնքան մեծ է, որ թէպէտ այսօր ամէնքն էր

գիտեն, որ աղէտը ոստիկանութեան գործն էր և որ չի կարող կրկնել գոնէ լայն ծաւալով, այնուամենայնիւ ամէնքը սարսափի տակ են: Քաղաքը զինուորական դրութեան է ենթարկւած: Առաւօտը 6-ից մինչև երեկոյեան 8 ժամը միայն կարելի է փողոց դուրս գալ: Գիշերները իրաւունք չկայ դուրս գալու:

V

Թիֆլիս, 14 փետրւարի

Երեւի արդէն ձեռք հասաւ Բագուի սոսկալի, աներևակայելի աղէտի լուրը: Այս բարբարոս կառավարութիւնը կազմակերպել է հայերին ջարդելու ծրագիրը՝ թիւրք խուժանի ձեռքով և ծրագրի առաջին մասը գործադրեց Բագուում: Չորս օր և գիշեր շրջակայ գիւղերից խուժած թիւրք ամբողջ, զինւած լաւ զէնքերով, արքունական հրացաններով և ատրճանակներով, միացած Բագուի խառնիճաղանձ թիւրք տարրի հետ՝ կոտորում էր հայերին, անյուր անգթութիւններ գործում, կոզոպտում, հրկիզում, իսկ կառավարութեան ոստիկանութիւնը, զօրքը կանգնած լոկ հանդիսատես էր, և թիւրք ամբողջին զինաթափ անելու կամ զսպելու փոխարէն, ընդհակառակը, զինաթափ էր անում հայերին: Ամէնքը և՛ հայ, և՛ ուս, և՛ թիւրք մեղադրում են նահանգապետ նահալիճէին, որ գնացել էր Պետերբուրգ և վերադառնալով իրագործել այդ դժոխային «ծրագիրը»:

Հայերը անպատրաստ գտնւեցին, որովհետեւ ոչ ոքի մտքից չէր կարող անցնել այդպիսի դժոխային ծրագիր: Անպատրաստ գտնւեցին առաջին օրերը և յեղափոխական ուժերը. այնուամենայնիւ դաշնակցական խմբերը կարողացան կոտորուող հայ ժողովրդին օգնութեան հասնել և իրենց կողմից մի լաւ դաս տալ թիւրքերին և այդ հանգամանքը ստիպեց վերջիններին հաշտութիւն անել...

Արիւնհեղ էր գործողութիւնը, որի առաջ կարծես նսեմանում են թիւրքական ջարդերը: Ո՞վ է յանցաւորը: Ուշադրութեամբ կարդացէք Բագուի դէպքերին վերաբերեալ կովկասեան լրագիրները և դուք կը տեսնէք, որ շնայելով ցենզուրային, հէնց այն, ինչ որ տպւած է այդ թերթերում, բաւական է ամենապերճախօս կերպով ապացուցանելու կառավարութեան մեղսակցութիւնը: Ամէնքը միաբերան ասում են. «կառավարութիւնը զինեց թիւրք ամբողջը»:

Առաջին րոպէին սոսկալի աղէտը թմրեցրեց, շշմարեցրեց բոլորին, ապա իմանալով, որ այդպիսի կոտորածների բռնկումն աշխատում են պատրաստել և միւս քաղաքներում՝ Նուխի, Գանձակ, Շամախի, Նախիջևան, ուր թիւրք տարրը աւելի զօրեղ է, հասարակութեան բոլոր խաւերը շտապեցին ամէն միջոց ձեռք առնել և այդ փտանգի առաջն առնել: Միջոցներ են ձեռք առնւած ամրապնդելու երկու հարեան տարրերի բարեկամութիւնը: Արդէն Գանձակում, Երևանում և Թիֆլիսում թիւրքերը և հայերը միացած գործում են այդ ուղղութեամբ: Միջոցներ են ձեռք առնւած նոյնպէս Պարսկաստանի հայ ժողովրդի ապահովութեան համար:

Բայց դուք մեծ գործ ունէք այդտեղ անելու: Յայտարարեցէք Եւրոպային ուս «քրիստոնեայ» կառավարութեան սոսկալի ոճիրը, գրգռեցէք հասարակաց կարծիքը, սարքեցէք միտինգներ, բողոքներ Պարիզում և ամբողջ Եւրոպայում: Խօսեցրէք մամուլը, ցասում թող

տիրէ ամենուրեք այս անարգ բռնութեան դէմ, որը իր ստոր նպատակներից մինն է դարձրել հայերի վերջնական ջնջումը:

Վովկասում զայրոյթը անսահման է մանաւանդ նահանգապետ նահալիճէի դէմ: Իր ոճիրը արդարացնելու համար՝ այդ յանցագործը հեռագրել է կառավարչապետի օգնական Մալամային, որ «իբր հայերը յորդորում են եղել թիւրքերին ապստամբել ուսաների դէմ և կոտորել նրանց, իսկ թիւրքերը զայրացած այդ բանից, իբրև հաւատարիմ հպատակներ, իրենց վրէժն են կամեցել հանել հայերից»: Ինչպէս տեսնում էք, զրպարտութիւնը ոչ չափ ունի, ոչ սահման:

VI

Բագու, 17 փետրւարի

Այստեղ այժմ տիրում է խաղաղութիւն, — զինւած խաղաղութիւն: Սկսել է բանկէտների մի շարք, որ համարեայ ամէն օր տեղի է ունենում կլորում կամ քաղաքական տան դահլիճում: Անէճքներ է, որ թափւում են բունկալութեան և նրա ներկայացուցիչների հասցէին, այնքան լացարձակ կերպով, որ Բագուն առաջին անգամն է տեսնում: Լսած կը լինիք արդէն, որ աշակերտական «անկարգութիւններ» տեղի ունեցան թէ Բագուում և թէ Թիֆլիս: Այս ամսի 15-ին էլ սկսեցաւ այստեղ: Նշանը տեցին ընդհանրապէս, որոնք իրենց պարագմունքները ընդհատելով՝ գուրս են թափւում և Ալէքսանդր I-ի գիմնազիայի պատուհանները ջարդելով՝ ստիպում են գիմնազիստներին ևս միանալ իրենց հետ: Շուտով շարժման միանում են և օրիորդական գիմնազիաները և Ս. Նինայի դպրոցի աշակերտուհիներ. դասատուութիւնը ամէն տեղ ընդհատւում է. իսկ աշակերտական խմբերը մեծ բազմութեամբ փողոցները շրջելով «Մարտելիչ» են երգում: Այժմ ուսումը ընդհատւած է այստեղի բոլոր դպրոցներում:

Փետրւարեան դէպքերից վնասւածների օգնութեան համար մի կոմիտէ է կազմակերպւած նահանգապետի նախագահութեամբ: Այդ բանի դէմ բողոքեցին թէ հայ և թէ թիւրք հասարակութիւնները, որոնք իշխան նահալիճէին միայն մահ են ցանկանում: Որոշւած է կազմակերպել օգնութեան համար մի այլ կոմիտէ՝ բաղկացած նահանգապետի խորհրդի, քաղաքային վարչութեան անդամների և հայ ու թիւրք հասարակութեան ազդեցիկ անդամներից և այդպիսով նահալիճէի կոմիտէն ֆիզիկա դարձնել: Նախարարիւնագործողների խորհուրդը վնասւածների օգտին նւիրել է 100 հազար ռուբլի:

VII

Բագու, 17 փետրւարի

Մի քանի օր առաջ քաղաքային ժողովասրահում կայացաւ մի բազմամարդ ճաշկերոյթ, ուր ներկայ էին մօտ 2,000 մարդ: Այդքան մարդկանց ներկայութեամբ, իմիջի այլ խօսողների՝ խօսեց և մի կիսախտէլիզէնտ թիւրք երիտասարդ, որ հաստատեց հասարակութեան առջև հետեւեալը.

«Թէ ինչ գիր է խաղացիլ ոստիկանապետը կոտորածը առաջ բերելու գործի մէջ ընդհանրապէս և ինչ է արել ինքը նահանգապետ նահալիճէն, յատկապէս, երևում է և հետեւեալ փաստից, որ ինքս իմ ականջովս եմ լսել: Ամսի 7-ին Տատարսկայիս փողոցով անցնում էի, երբ տեսայ նահանգապետին, որ կօղակներով շրջապատ-

ւած գալիս էր: Թիւրքերի մի զինւած խումբ տեսնելով նրան՝ կանգ առաւ: Նահանգապետը կանչեց իր մօտ թիւրքերին և պրիստաւի միջոցով յայտնեց նրանց հետեւելը: «Հայերը մեր ողորմած թագաւորի դէմ բռնութեան անում և թագաւորը հրամայել է նրանց պատժել, բայց իրաւունք չեմ տալիս տնէր, խանութներ կողոպտել», խրախուսեց ու պնաց: Այս բոլոր խօսակցութիւնը ես իմ ականջներով լսեցի: Այսօր, ասացին, որ այդ թիւրքին իւրայինները բռնել սաստիկ ծեծել և մինչև իսկ մահ են սպառնացել, եթէ նա համարձակի մի այլ տեղ կրկնել:

Մեր ընկերներից մէկը այդ թիւրքից ստացել է սեփական ձեռքով գրած միւսնոյն վկայութիւնը: Նոյն թիւրքը ճաշկերոյթին բացարձակ անւանեց երկու թիւրք պրիստաւներին՝ Մէհմեդէկով և Սուլթանով և մի «օկօլօօջնի»՝ Հախտախտիսկի, որոնք նահանգապետի պատէրի համաձայն՝ ամենապարզելի դերն են խաղացել կոտորածը առաջ բերելու և ղեկավարելու մէջ:

Իշխան Ամիրխանովին, որ նսկաշիճէին պաշտպանելու հակումն ունի, եկաւ թէ չէ, սկսեց պատասխանատուութիւնը ձգել կոմիտէների վրայ: Տեղական հայ հարուստների հետ խօսելիս, իմիջի այլոց, ասել է. «Մեր գիւղերում ինչ որ ես հրամայում եմ, գիւղացիները լսում են և հնազանդւում: Միթէ՞ դուք հայերդ չէք կարող ձեր կոմիտէներին վստահել»:

VIII

Փետրւարի 11/24-ին, Բալխանիում, Նաւթադրինա-բերդների խորհրդի հիւանդանոցի շինութեան մէջ կայացաւ մի բազմամարդ ժողով, բաղկացած հայ, թիւրք և ռուս ազգութեան պատկանող բանւորներից և մասամբ արդիւնաբերողներից, թւով մօտ 1,000 հոգի: Ընդունւեց հետեւի որոշումը.

«Ժողովը քննելով վերջին օրերս Բագու քաղաքում տեղի ունեցած դէպքերը, եկաւ հետեւեալ եզրակացութիւններին.

«1) Բագուի թիւրք և հայ ազգաբնակչութեան մէջ ոչ մի լուրջ ազգայնական թշնամութիւն չկայ, ապացոյց՝ նրանց երկարատեւ խաղող կենակցութիւնը:

«2) Հայերի և թիւրքերի երեք օր շարունակուող փոխադարձ վայրենի կոտորածը ամբողջապէս առաջ է եկել ռուսականութեան և կառավարութեան այլ պաշտօնեաների ձեռքով թիւրք խուժանը հայերի դէմ գրգռելուց:

«3) Ռուսաց միապետութիւնը, յանձին իր տեղական ներկայացուցիչների, փորձում է յարատեւել իր գոյութիւնը ազգային թշնամութիւն և ատելութիւն սերմանելով: Զանազան ազգութիւնները միմիանց դէմ կանգնեցնելով, կառավարութիւնը ձգտում է՝ մի կողմից ամբողջ ազգաբնակչութեան ուշադրութիւնը շեղել ժողովրդի իսկական թշնամուց—կառավարութիւնից,—միւս կողմից յոյս ունի այդպիսով յեղափոխական կազմակերպութիւնները թուլացնել:

«4) Վերջապէս Բագու գտնւող բոլոր ազնիւ մարդկանց պարտքն է՝ առանց ազգայնական խտրութեան պարգել բոլորին և ամենուրեք տեղի ունեցած դէպքերի իսկական պատճառը, որպէս զի կառավարութեան այդ վերջին ճիգն էլ՝ ազգային թշնամութեան վրայ յենւելը, այդ նոյն կառավարութեան դէմ դառնայ և այդպիսով իրականանայ Ռուսաստանի բոլոր ազնիւ քաղաքացիների ներկայան ցանկութիւնը—միապետութեան ոչնչացումը»:

Բ Ա Գ Ի Ի Թ Ի Ի Բ Ք Ե Ր Ի Ն *)

Մեր քաղաքը արիւմալի, ամօթարեր գործողութիւնների ասպարէզ էր դարձել:

Ձորս օր ակամատես և ակամայ մեղսակից էինք ամալիտ, զգուելի եղբայրասպամութեամբ:

Թափւեց շատ ամենդ արիւմ, ընկամ բազմաթիւ մարդկային զոհեր:

Հարկամը զիմեց հարկանի դէմ և սկսեց կոտորած՝ վայրենի, ամփառումակ և ամօթարեր:

Թէ ո՞ւմ վրայ է ընկնում այդ սարսափելի օրերի պատասխանատուութիւնը,—մեծ դեռ յետոյ կը վերադառնանք դրան:

Այժմ անկեղծ սրտով ողջունում եմք վերականգնած խաղաղութիւնը և ցանկանում եմք, որ դա լինի ամուր և ընդմիշտ, որովհետեւ գիտենք և լաւ յիշում եմք, որ ոչինչ բաժանելիք չունենք թիւրքերի հետ: Մեծք չունենք միմեանց հակասող շահեր, եթէ մեծք զեմքի դիմեցիմք այդ միմիայն մրա համար, որ ստիպւած էինք պաշտպանել մեր պատիւը, մեր կեանքն ու մեր կայքը:

Բայց հէնց որ հիմեց խաղաղութեամբ հրաւերի առաջին կոչը, մեծք թեթեւացած սրտով ցած դրեցիմք հաւր և ամենքի աւրիւմով մեք կւած մեք զէմքերը:

Այդ արիւմին մեծք ծարաւի չէիմք և չեմք էլ ծարաւել երբեք: Մեծ զգւանքով եմք յիշում դեռ մոր ամցած օրերը և զործ կը դնեմք մեր բոլոր ուժերը, որ մրամք այլևս չկրկնեն:

Հէնց մոյմ այդ հաշտութեամբ եմք հրաւիրում ձեզ, մահմետականներ, մի՛ փնտռէք թշնամում այնտեղ, ուր մա չկայ և մի՛ գործածէք ձեր զէմքերը այնպիսի մի գործում, որը կը ծածկէ ձեզ ոչ թէ փառքով, այլ ամօթով:

Հ. Յ. Դ.

ԲԱԳԱԻ ԿԵՆՏՐՈՆԱԿԱՆ ԿՕՄԻՏԷ

14 փետր. 1905

ԿՈՎԿԱՍԻ ԲՈՒՈՐ ԱԶԳՈՒԹԻՒՆՆԵՐԻՆ

Ք ա ղ ա ք ա ց ի մ ե ր,

Ինքնակալ կառավարութիւնը դարերով ճնշում և կողոպտում է ժողովրդին: Նրա բռնութիւնը հասաւ ծայրայիզութեան և ժողովրդի համբերութիւնը հատաւ: Այն ամհաւասար կոչը, որ դժգոհների մի խումբ վաղուց սկսել էր մղել թագաւորի ինքնակալութեամբ դէմ, մետոհետէ արծարծեց և գրաւեց ժողովրդի աւելի և աւելի լայն խաւերը և վերջապէս փոխեց մի հզօր յեղափոխական հեղեղի, որ պէտք է քշէ ու ջնջէ երկրի երեսից ցարի գահը:

Ինքնակալութիւնը ճնշում և խեղդում է բոլորին: Եւ բոլորը ոտքի ելան մրա դէմ, ժողովրդի բոլոր խաւերը և բոլոր ազգութիւնները, որոնք ապրում են լայնածաւալ Ռուսաստանում:

Յարի ինքնակալութիւնը սերմանում էր խառնակութիւն և այժմ հիմնում է իր սերմանածի պտուղը—ժ ո ղ ո վ ի ղ ի ա տ ե լ ու թ իւ մը: Կառավարութիւնը իր բոլոր հպատակներին, ամբողջ ժողովուրդը, դարձրեց իր կատաղի թշնամին: Բոլորը դժգոհ են մրամից, բոլորը հակառակ են մրամ, և մա ինքը հակառակ է բոլորին: Երեւեց թագաւորի ինքնակալութիւնը: Նա զգաց ժողովրդի հզօր հոսանքը, և մրա

*) Այս նամակը տպագրեց եւ տարածեց նոյնպէս եւ ռուսերէն լեզուով:

առաջ կանգնեց ժողովրդական վրէժխնդրութեան արհել պատկերը—յ ե ղ ա փ ո խ ու թ իւ մ ը:

Որպէս զի իր սեփական գոյութիւնը պաշտպանէ, որպէս զի ժողովրդի աչքում բարձրացնէ իր կոտորած վարկը՝ կառավարութիւնը ձեռնարկեց անմալատակ պատերազմի ծալօթիայի հետ, մի պատերազմ, որ ոչ ոքին հարկաւոր չէր, բայց միայն կառավարութեանը: Սակայն մի շարք պարտութիւններ ցամաքի և ծովի վրայ՝ բաց արին ցարի ընթիւն ամբողջ ապականութիւնը, այնպէս որ կառավարութեան այս գէնքն էլ իր դէմ ուղղեց: Ուրեմն մրա այս հնաւորագործութիւնն էլ չաշնդեց, և հարկ եղաւ դիմել ուրիշ՝ յաճախ արդէն փորձած միջոցի՝ կործանող զահր փրկելու համար—այն է ազգաբնակչութեան մի մասը միւսի դէմ զրգոնելու, որպէս զի այս միջոցով յետ մղէ այն հարածը, որ ուղղւած է ինքնակալութեան դէմ:

Նա կազմակերպեց խուժամների խմբեր, որպէս զի որսամու կոտորեն ազատութեան համար կռուողներին: Ուսկազմակերպեց հրէական շարժեր, ինչպէս Կիւրիմիւս, Գոմէլում և ուրիշ քաղաքներում, և այժմ էլ գիտեմալով որ Կովկասում ապրում են բազմատեսակ ազգութիւններ, այստեղ էլ մոյմ միջոցին է դիմում:

Այս նպատակով է ահա, որ թագաւորի զազան պաշտոնեաները կազմակերպեցին Բագուի կոտորածը: Օգտելով մահմէտական ազգաբնակչութեան տգիտութիւնից և կոտորութիւնից և մրան մախսապէս զինելով՝ այդ պաշտոնեաները մրան բաց թողեցին անպաշտպան և անզէն հայերի վրայ: Նրանք խոստացան թուրքերին, որ բոլորովին անպատիժ կը մնան, և ահա Բագում տեղի ունեցաւ մի զարհուրելի հղեղնագործութիւն, որի համեմատութեամբ Կիւրիմիւս սարսափները ոչինչ են: Հիմզ օր է արիւն է հոսում: Հառաչանք ու ողբ լցրել են քաղաքը: Մահմէտական խաւար ժողովուրդը, ոստիկանութիւնից քաջալերութիւն գտնելով, այնպիսի զազանութիւններ է գործում, որոնք զերազանցում են մոյմիսկ թիւրքական զազանութիւններից:

Հապա ոստիկանութիւնը, հապա զօրքը: Նրանք չեն երևում: Նրանք անում են այն՝ ինչ հրամայւած է—չխանգարել մահմէտականներին և խել զէնքը՝ պաշտպանող հայերի ձեռքից: Երբ հայերը դիմում են զօրքի օգնութեանը՝ սրանք պատասխանում են. «Մեզ չէ հրամայւած միջամտել»: Նահանգապետը յայտարարում է, թէ զօրք չունի կոտորածը դադարեցնելու համար:

Անամօթ սուտ: Երբ բանտրներն են դուրս գալիս ցոյց անելու, այն ժամանակ զօրք լինում է: Այն ժամանակ քրանք ամբողջ քաղաքը մի ըսպէում զինուորական բանակի են վերածում, իսկ ա՛յժմ—այդ մրանց ձեռնուռ է:

Ք ա ղ ա ք ա ց ի ն ե՛ր. Այս բոլորը մեռնող ընթիւն վերջին շղատութիւններն են: Ինքնակալութիւնը զգում է, որ իր օրերը համրած են, և դիմում է վերջին միջոցին: Այսօր նա մահմէտականներին է զինում հայերի դէմ, վաղը վրացիներին կը զինէ հայերի կամ մահմէտականների դէմ, և այսպէս շարունակ: Մենք չունենք ապահովութիւն վաղւայ օրւայ համար: Ինքնակալութիւնը ամէն միջոցի կը դիմէ, որպէս զի կարողամայ իր խղճուկ գոյութիւնը պահպանել: Վաղը այստեղ էլ կարող են կրկնել Բագուի կոտորածի սարսափները:

Դէհ, ուրեմն, քաղաքացիներ, ոտքի կանգնե՛ք մենք ինքներս՝ մեր իրաւունքները, մեր կեանքը պաշտպանելու:

Եթէ ոստիկանութիւնը փորձ անէ այսպիսի զազանութիւններ կազմակերպել և ուրիշ տեղերում—մենք այդ թոյլ

չենք տալ: Մենք առաջ կը զանք: Բայց առաջ կը զանք միտցած ոյժերով մեր ընդհանուր թշնամու դէմ, այս կոտորածների զխաւոր պատճառի—ինքնակալութեան դէմ: Մենք թոյլ չենք տալ. որ կառավարութիւնը յափշտակչներին մի խմբի հետ կոտորէ և կողոպտէ խաղաղ քաղաքացիներին: Մենք մեր բոլոր ոյժերը կ'ուղղենք ոստիկանութեան, ժամդարմների դէմ, զգեւի թագաւորի այդ զգեւի ստորակներին դէմ:

Թող բոլորիս նշանաբանը լինի՝ բոլորը մէկի համար և մէկը բոլորի համար:

Կորչի՛ ցարի ինքնակալութիւնը:

Կեցցէ՛ ազգերի համերաշխութիւնը:

Կեցցէ՛ ապագայ յեղափոխութիւնը:

ՌՈՒՍ. ՍՕ8.-ԴԵՄՕԿԵՐԵՏ. ԲԱՆԻՈՒ. ԿՈՒՍԱԿ. ԿՈՎԿԱՍԵԱՆ ՄԻԱՑԵԱԼ ԿՕՄԻՏԷ

ՀԱՅԿԱԿԵՆ ՍՕ8.-ԴԵՄՕԿԵՐԵՏԱԿ. ԿՈՒՍԱԿ. ԹԻՖԼԻՍԻ ԿՕՄԻՏԷ

«ՍԱՔԱՐԹՎԷԼՕ» ՍՕ8ԵԼ - ՖԷԴԵՐԵԼԻՍՏ. ԹԻՖԼԻՍԻ ԿՕՄԻՏԷ

ՍՕ8.-ՅԵՂԱՓՈԽԱԿԱՆ.-ԹԻՖԼԻՍԻ ԿՕՄԻՏԷ

ՀԱՅ ԶԵՂ. ԴԱՇՆԱԿՑՈՒԹԵԱՆ ԿՈՎԿԱՍԵԱՆ ՊԱՏԱՍԻԱՆԵՏՈՒ ԿՕՄԻՏԷ

12 փետրւարի 1905 թ.

Թիֆլիս

Թ Վ Թ Ա Կ Ց Ո Ւ Թ Ի Լ Ե Ն Ե Ր

Կ Ո Վ Կ Ա Ս Ե Ա Ն Խ Ա Բ Ր Ի Կ Ն Ե Ր

(ԵՐԵՍՈՒՆԵՐԻՔԵՐՈՐԻ ՆԱՄԱՍ)

Ս. Պետերբուրգ, 24 փետրւարի

Սոսկումի օրերին յաջորդեցին քաղաքական «միտաբութեան» օրեր: Եւ մեր անպատում դառնութեան մէջ՝ հայ-թիւրքական արեան դեռ թարմ հետքերի վրայ՝ միակ սփոփանքն ու յուսատու ծառագայթը—դա համ եր ա շ խ ու թ ե ա ն կ ո ջ ն է, որ ինչպէս հողմ պտոյտներ է գործում Անդրկովկասեան քաղաքների վրայ, այն բոլոր վայրերում, ուր դարերի հարեանները կարող էին միմեանք դէմ ծառանալ, Բագուի նմանութեամբ—սուրն ու ատրճանակը ձեռքին, արեան ծարաւը սրտի մէջ:

Կեցցէ՛ յաւիտեան գաղափարը:

Նա դարձեալ մի անգամ յաղթանակեց դարձեալ մի անգամ փշեց բռնապետական գործակալների ծրագիրը և յետ մշելով խուժանի մահաբեր բնազդները, հպարտօրէն պարզեց համ եր ա շ խ ու թ ե ա ն դրօշը՝ ատելութեան և թշնամանքի վայրերում:

Այդ գաղափարը յամառութեամբ քարոզեց, անթիւ յօգւածներ և գրքեր ներկեցին նրան, շատ գլուխներ նրա տարածման տենչով վառեցին—սակայն նա մնաց սահմանափակ, դուրս ժողովրդական մեծամասնութեան գիտակցութիւնից: Ամբողջ չլսեց այդ կոչը, եւ ահա մի տխուր առաւօտ, երբ անարգ ոստիկանութիւնը աչքով ա ր ե ց, գազանացած՝ մարդը դուրս նետեց իր խաղաղ անկիւնից, և ստորագոյն դաւադրութեամբ յարձակեց իր նմանի վրայ, պատրաստ պատառ պատառ անելու այն բոլորը, ինչ որ այլ կրօն, այլ ծագում, այլ հակումն ունի...

Սակայն դա դեռ սկիզբն էր: Արիւնը հոսեց միայն մի քաղաքում—Բագու: Գազանութեան հուրը, բորբոքած ոճրագործների ձեռքով, տրամադիր չէր ամբողջիկ միայն

մի քաղաքում և մի գաւառում: Փրփրած կատաղութեամբ՝ նա ուզում էր առաջնաւ, տարածել, արիւն և արտասուք սփռել ամենուրեք, նոյնիսկ այն վայրերում, ուր մոլեռանդութիւն չկար, բայց կար և պիտի լինէր վրէժը, հատուցման անհաճոյ, բայց սանձահարող զէնքը:

Եւ այդ հաւեր ընկերին ահա՝ հնչեց համերաշխութեան կոչը—զօրաւոր և հրապուրիչ, կենդանարար ու խրախուսող: Նա օդի մէջ չմնաց: Նրա ալիքները ուժգին շարժմամբ հասան բոլորի ականջին, — փողոցներում ու հրապարակների վրայ, եկեղեցում, մզկիթների մէջ հնչեցին գեղեցիկ, յուզիչ խօսքեր, ընդունակ թափանցելու ամբոխային խաւերը, կարող՝ հոգի ու սիրտ տալու նոյնիսկ ծայրայեղ յոռետեսներին:

Եւ որպիսի՝ գեղեցիկ տեսարաններ:

Քրիստոնէական եկեղեցում, ուր երբեմն մահմետական ատելութեան նշանակէտն էր, և մզկիթներում, ուր շատ քիչ էր օտք կոխում հաւատացող-քրիստոնեան, կողք կողքի կանգնեցին անցեալի թշնամիները: Ամբիօնի վրայ՝ եղբայրական սիրով՝ երեւան եկան քահանան և մօլլան—երկու ուժերը արեւելեան կրօնամոլութեան—և նրանց բերանից հնչեցին եղբայրութեան խօսքեր, բուռն հրաւեր դէպի համերաշխ կենակցութիւն: Թիֆլիս՝ հայոց մայր տաճարում, Գանձակ՝ մահմետական մզկիթի մէջ և այլ քաղաքներում՝ թէ մէկ և թէ միւս սրբավայրերում՝ ներկայ եղողները, թիւրք և հայ, հոգեհանգստեան աղօթքներ մղեցան զոհերի յիշատակին, աղօթքի մէջ միացրին նրանց, որոնք երէկ ոչ միայն բաժանւած և անջատ էին, այլև թշնամի և անհաշտ ուսուցիչ: «Մենք միենոյն երկրի զաւակներն ենք, ապրում ենք նոյն հողի վրայ, խմում ենք նոյն ջուրը,—ասաց շէյխ-իւլ-իսլամը իր ճառի մէջ—և թող անէ՞քի ու կրակի բաժին դառնայ այն չարամիտ սատանան, որ կուեցրեց դարերի հարեաններին, երէկայ հաշտ ծանօթներին: Թող անի՞ծւի նա... Մի այլ մզկիթում, դարձեալ նոյն զգացմունքներով վառւած, թիւրք-զինուորականը այս խօսքերով վերջացրեց իր ճառը. «Հայեր, բուսներ, վրացիներ: Ներեցէ՛ք, մոռացութեան տէք Բագւի չարագործութիւնները, որ մեր այնտեղի եղբայրները գործեցին անգիտակցաբար, կոյր գործիք դարձած նենգամիտ մարդոց ձեռքով: Մենք այդ մեղքը պիտի քաւենք՝ անխորհախ բարեկամութեամբ: Մոռացութեան տէք եղածը, ներեցէ՛ք մեզ... Աւ ներկայ եղողները սարսափահար՝ թափւած արիւնից և սիրտ առած վաղան հաշտութեամբ, արտասուք էին թափում ու գրկախառնւում...»

Այդ սրտապնդող տեսարանների դիմաց՝ եթէ կայ մի սեւ-մարմին, որ դժգոհ է, թէև լռելեայն, զայրացած, թէև գաղտնի կերպով—դա կառավարութիւնն է, «բաժանիր, որ տիրես»-ի հեղինակը: Ապշերօնեան թերակղզու վրայ կոտորածներ ստեղծագործող հոգիները, անշուշտ, յուսահաւառ են և նոյնիսկ յուսահատած, որովհետև ժողովրդական ըմբոստացած ձայնը՝ անդադար «Պատիժ, պատիժ» է գոչում, և արդէն օդի մէջ գծագրւում է տէնօրիստական դաշոյնը...

Չը խրաաւած մի փորձից, ցարիզմի գործակալները երկրորդում են իրենց «քաղաքական փորձերը»՝ այլ տեղ, այլ շրջաններում: Բագւի դէպքերից հազիւ մի շաբաթ անցած, Թիֆլիսում աղմկայոյզ լուրեր պատեցին—«վրացիները պատրաստուում են հայերի վրայ յարձակել»:

Այդ էր բովանդակութիւնը նորագոյն լուրի, դուրս եկած

անկապած ոստիկանութեան ղեկավարների առանձնասենեակներից: Լուրը այնքան տարածում գտաւ, որ վրաց ուսանող-երիտասարդութիւնը, քաղաքական տակտի հրամայական պահանջ համարեց՝ յայտարարել, որ այդ ամէնը չարամտութեան ստեղծագործութիւն է, քանի որ վրաց հասարակութիւնը այնքան խոցոտւած միապետութեան հարածներից, քաղաքական տհասութեան ապացոյց կը տայ, եթէ թշնամի ին որոնէր ոչ թէ կառավարութեան բանակում, այլ հարեւան ժողովրդի մէջ, նոյնքան և գուցէ աւելի դժբախտ, ինչքան ինքը...

Հայ-վրացական համերաշխութեան ցոյցերը չսահմանափակեցին այդ յայտարարութեամբ: Երկու ժողովրդների մատաղ սերունդները միացած՝ հոգեհանգստներ կազմեցին Բագւի զոհերի յիշատակին, ժողովներ գումարեցին, ուր արտասանեցին շողկապող ճառեր և հաշտութեան արձագանքները թափանցեցին մամուլի մէջ, ժողովրդի բոլոր խաւերը: Դա, իհարկէ, նախերգանքն է միայն: Դեռ շատ խօսքեր են պէտք, «խօսքեր» անկեղծ ու սրտաբուլի, դեռ շատ ձեռնարկներ են հարկաւոր, համերաշխութեան ձեռնարկներ, որպէս զի կառավարչական պառակտող շունչը անկարող լինի թափանցել և թունաւորել հաշտութեան սրբազան գործը...

Ս. Պետերբուրգ, 1 մարտի

Կոմս Վօրօնցով-Դաշկով կովկասեան կառավարչապետ նշանակելու լուրը, որ երկու շաբաթից ի վեր պտտում էր, հաստատեց, և նա արդէն պատրաստուում է ճամբայ ընկնելու դէպի Թիֆլիս:

Առիթ կար կարծելու, որ իշխան Գօլիցինի անմիտ քաջագործութիւններից յետոյ, որոնք ընդհանուր գըրգռում տարածեցին երկրի բոլոր կողմերում, նշանակէր մի այնպիսի անձ, որ կարող լինէր թէ իր անունով թէ անցեալով և թէ ուղղութեամբ փոքր ինչ խաղաղացում մտցնել մարքերի մէջ: Այդպէս եղաւ, օրինակ, 1891 թւին, երբ Գոնդուկով-Վօրսակովից յետոյ, կառավարչապետի պաշտօնին կանչեց Շերեմետով անցեալը մոռացնել տալու և դժգոհութիւնը մեղմացնելու նպատակով: Ներկայ օրերին այդ «զգուշութիւնը» աւելի քան տեղին կը լինէր, քանի որ քաղաքական յոյզերը փոթորկել են ամբողջ կովկասը...

Ջերմ խնկարկու Ալէքսանդր III-ի, մտերիմ մայր-թագուհու, անգամ ամենազօր ու յետադէմ «սակաւապետութեան», որ վարում է բոլոր գործերը դժբախտ Ռուսաստանում, Վօրօնցով-Դաշկով ցանկութիւն և հրահանգ ունի անշուշտ՝ շարունակելու ռուսացման քաղաքականութիւնը և «կարգ հաստատելու» ինչպէս և ինչ միջոցներով էլ լինի: Ճնշման և հալածանքի քաղաքականութիւն, որ չի հանգստացնի, չի լռեցնի, այլ ընդհակառակը, նոր ուժ կը տայ քաղաքական ըմբոստութեան, որով բռնկւած է ամբողջ Անդրկովկասը:

Է. ԱԿՆՈՒՆԻ

ՀԱՅԿԱԿԱՆ ԿԻՇԻՆԵՏԻ ԱՐՁԱԳԱՆՔՆԵՐԸ ԵՒՐՈՊԱՅՈՒՄ

Բագւի կոտորածի առթիւ՝ մեր խմբագրութիւնը գրաւոր դիմում արեց 1) Բրիւսէլի Միջազգային սօցիալիստական Բիւրօյին, 2) Պարիզի Մարդկային Իրաւունքների Կաշնակցութեան, 3) Ռուս ժողովրդի և միացրած ազ-

գերի բարեկամների Գաշնակցութեան, Պարիզ, — խնդրելով նրանց հրապարակել ռուս կառավարութեան նորագոյն ոճիրները, կատարւած կոմկասուս:

Բրիւսէլի Միջազգային Սօցիալիստ. Բիւրօն անմիջապէս հետեւեալ կօչն ուղղեց ամբողջ քաղաքակիրթ աշխարհի սօցիալիստ կուսակցութիւններին ու նրանց օրգաններին.

Ս Ի ր Ե ւ ի Ը ն կ Ե ր ն Ե ր,

«Մենք նոր ստացանք «Հայ Յեղափոխական Գաշնակցութեան» օրգան՝ Ժընէվում հրատարակւող «Պրօշակ» ի խմբագրութեանից մարտի 10 թւակիր մի նամակ, որ վերաբերում է Բազելի վերջին կոտորածներին:

«Զեյ անյայտ չէ, որ ռուսական ճշմունքները դրել են կոմկասուս ժանջնակա ակտամբութեան վիճակում: Անկարող լինելով պատնէշ դնել աղատագրական շարժման առջև, որին մասնակից են այդ երկրի բոլոր ազգաբնակչութիւնները, ցարի կառավարութիւնը կոչ է արել ֆանատիկութեանը և գրգռել է իրարու դէմ զանազան ազգութիւններին:

«Հրեաներին ջարդել տալուց յետոյ, Նիկոլայ երկրորդի խորհրդականները վերսկսում են հայերի դէմ Աբգիւլ Համիդի արիւնտ քաղաքականութիւնը, որ Միջազգային Սօցիալիստական Բիւրօն մասնակց է քաղաքակիրթ աշխարհից ստանալին 1901 թւի հոկտեմբերի 18-ին:

«Գործադիր կոմիտէն կարծում է, որ ինքը թարգման կը լինի բոլոր սօցիալիստների, վերստին բողբեւով այն նախաձեռնած ջարդերի դէմ, որոնց զօհ է հանդիսանում զփախա հայ ժողովուրդը: Մենք համոզւած ենք, որ դուք կը միանաք մեր բողբեւին, աւելելով այն բոլոր նախաձեռնութիւնները, որոնք բղնւում են 1900-ի Պարիզի Միջազգային Սօցիալիստական կօնգրէսի որոշումից:

Եղբայրական ողջոյններով

Գործադիր կոմիտէի կողմից՝

Քարտուղար ԳՄՄԻՆ, ՀԻՆՍՄԱՆ

Այս հրաւերին կցւած է «Պրօշակ» ի խմբագրութեան բացատրական նամակը, ուր մերկացւած են ռուս կառավարութեան գարշելի դաւերը:

Սօցիալիստական մամուլը սիրով հիւրընկալեց Բիւրօյի կօչը և մեր նամակը:

*

Մարտի 20-ին Պարիզում տեղի ունեցաւ Անատոլ Ֆրանսի նախագահութեամբ բազմամարդ միտինգ կազմակերպւած «Ռուսաստանի ժողովուրդների բարեկամների Գաշնակցութեան» կողմից. Բազելի աղետը մեծ տեղ բռնեց ատենախօսութիւնների մէջ և «Պրօշակ» ի վերը յիշած նամակը կարգաւեց ամբօնից:

*

«Մարդկային Իրաւունքների Գաշնակցութեան» որոշման մասին ահա թէ ինչ ենք կարդում Պարիզի թերթերում:

«Մ. Ի. Գաշն. կենտրոնական կոմիտէն, ծանօթանալով իրեն ուղղւած Հայ Յեղափոխական Գաշնակցութեան նամակի հետ,

«Հաստատելով, որ Բազելի մէջ առաջ բերելով հայերի կոտորած թիւքերի ձեռքով՝ ցարը գործաւ նման ու հաւատար կարծիք Սուլթանին,

«Նկատելով, որ կոմկասուս կիրառւած մեթօդը բնաւ չէ տարբերւում այն մեթօդից, որ կիրառւում է Ղևհաստանում, Գինընդիայում, և շինեւում ու նոյնիսկ Պետերբուրգում,

«Նորոգում է իր պարտաւանքի արտայայտութիւնը մի քաղաքակիրթ կառավարութեան այդ անարժան ընթացքի դէմ:

*

Եւրոպական մամուլի կարեւոր օրգաններին մեր խմբագրութեան կողմից ուղղւած է հետեւեալ տպւած չըջարկանքը.

Պ ա ր օ շ,

«Զեր վեհանախ աջակցութիւնն ենք խնդրում՝ քաղաքա-

կրթութեանը մօտենալու համար այն հակամարդկային ոճիրները, որ դարձւած են հայ ժողովրդի դէմ այս անգամ կոմկասուսի քրիստոնեայ Նիկոլայ երկրորդի կայսրութեան մէջ:

«Բաւական չլինելով, որ ստատու եղաւ 1895-96-ի մեծ կոտորածներին թիւքաց Հայաստանում, ցարիցմը ձգտում է, իր սեփական կայսրութեան մէջ, ջանքախել ոչնչացնել հայ տարրը, որ նա համարում է ամենախնայաւորը իր քաղաքականութեան և իր տիրապետութեան համար կոմկասուս:

«Մի երկրորդ Նիշնե կազմակերպւեց նորերու մեծ արգիւնաբերական Բազու քաղաքում, աւելի սարսափեցնող չափերով և չլուծած, յանգուզն անամօթութեամբ:

«Այդ վայրում, ուր քիչ առաջ հայտարարու էր գործաթող բանւորներ, բոլոր ազգութիւնների պատկանող եղբայրակցում էին մի հայտաւ յայտի մէջ կազմակերպւած ընդգէմ կապիտալիզմի ու բանապետութեան — քիւթօրիստայի գաւերը աջակցին իրարու վայ նետել երկու դարաւոր, խաղաղ հարեանների՝ մահմետական և հայ ժողովուրդներին. հետեւեց մի ահաւելի սպանդանոց, որ աւելի մի քանի օր: 7-800 մարդ կորան այդ արիւնահեղ ընդհարումների միջոցին և վերաւորների թիւք հատու 1,500-ի: Հայոց թաղերը աւերւեցին, անկողն հրդեհեցին, ամբողջ ընտանիքներ կենդանի այրւեցին:

«Եւ իշխանութիւնները ալաւ ձեռքին մարդատաններին: Նահանգապետը և կողակների ջոկատները անտարբեր դիտում էին բարբարոսութեան տեսարանները: Սակայն նրանք բոլորովին անգործ չէին. ստիկաններն ու կողակները հրաման էին ստացել աջակցել մահմետականներին, կազմակերպել բախտախնդիրների խմբեր, որոնց նրանք զենք էին բաժանում, իսկ զ ի ն ա թ ա փ է ի ն ա ն ու մ հ ա յ Ե ր ի ն:

«Հազարաւոր հայ բանւորներ մօտակայ Բալխանիի գործարանից առաջ նետւեցին դէպի քաղաքի կենտրոնը՝ իրենց հայրենակիցներին օգնութեան համեմատ Բայց Բազու միտնելին՝ կողակները կանգնեցին նրանք և զինաթափ արին, և այդ այն ժամանակ, երբ թիւքը ֆանատիկաների անթիւ խմբեր ազատ շրջում էին բոլոր ազգութիւններով ու պաւնում, թալանում, հրդեհում:

«Միմիայն մի քանի հարիւր հոգի «Գաշնակցութեան» զինւորներից կարողացան զինւած ներս թափանցել և բռնել հայ թաղերի գլխաւոր փողոցները, ուսկից նրանք, ջնայած կողակների դիմագրութեան, դուրս քշեցին մահմետականներին, որոնք յարձակւում էին միայն անգէն ժողովրդի վրայ:

«Հայ յեղափոխական կոմիտէն կատարեց իր բոլոր պարտականութիւնը: Երբ նահանգապետ Նախախճէին ուղղւած նրա պահանջը — կանգնեցնել արիւնհեղութիւնը — ապարդիւն անցաւ, նա ձեռք առաւ բոլոր անհրաժեշտ միջոցները, աղետը տահմանափակելու համար:

«Լուս իմանալով, որ գաւազնութիւնը նիւթւած էր ռուս կառավարութեան կողմից և որ մահմետական կառավարութեան բռնկումը չազանցուկ մի երեւոյթ է, Հայկական կոմիտէն, հաւատարիմ իր համերաշխութեան աւանգաւթիւններին, շուքեց իր կողմից զբաղող հանգիստեալ մահմետականների դիմաց, նա չուզեց անգամ ի գործ դնել այն ծայրայեղ միջոցները, որ նա ուներ իր տրամադրութեան տակ:

«Նմանապէս պակաս չեղան և մահմետականների մէջ բարի ու հեռաւան անձեր, որոնք սարսափի բույնն ապստամբութեան ահաւելում հայեթին նրանք բաւ գիտէին այդ գորշանքների ճշմարիտ պատճառները...

Պ ա ր օ շ,

«Դուք գտնւում էք հրեշտաւոր իրողութիւնների հանգէպ, որոնք ծանր են մանուսնդ այն պատճառով, որ, ցարիցմի քաղաքականութեան շնորհիւ, նրանք ապստամբ են կրկնել Ղևդրկովկասի ուրիշ քաղաքներում՝ Երևան, Եւլէի, Գանձակ և ամէն տեղ, ուր հայ հայ-մահմետական խառն ազգաբնակչութիւն: Յեղախան կամ կրօնական ատելութիւնը բոլորովին օտար է այդ ընդհարումներին:

«Այսօր կոմկասուս բոլոր ազգութիւնները, հայ, ռուս, վրացի ու մահմետական, միաբերան վկայում են, որ այդ եղբայրապաւն կռիւների կազմակերպողն է ինքը ռուս կառավարութիւնը, որը գլուխը կորցրած Յեղափոխութեան ուրաւկանի առաջ ձգտում է ընդհարումներ յարստացնել այլապան

տարրերի միջև, ջլատելու համար Ավիկտի արտագրական թուղթերը:

«Մենք ձեզ խնդրում ենք, յանուն հաղարարական զահերի, հրապարակ հանել իրողութիւնները և մի անգամ ևս նշառակել այն ամբարտաւան բռնապետութիւնը, որ իր բովանդակ տարածութեան վրայ սկզբնաւոր է միայն տառերութիւն և արիւն»:

ԽՄԲԱԳՐՈՒԹԻՒՆ «ԴՐՕՇԱԿ»
Հ. Յ. ԴԱՇՆԱԿՑՈՒԹԵԱՆ ՕՐԳԱՆ

*

Բարեբախտաբար, եւրոպական մամուլը, անցեալի փորձից հրահանգւած, չյապաղեց մասնացոյց անելու կատարաստօքի իսկական հեղինակի վրայ, չնայած ռուսական պաշտօնական աղբիւրներից տարածուող ստերին ու ինսինուացիաներին, որոնք ուղղւած էին հայ յեղափոխական կոմիտէների դէմ, իբրեւ աղէտի պատասխանատուներ:

*

Frankfurter Zeitung-ը, մեր առաջին հեռագիրներից աղբարարւած, հերքեց պաշտօնական, ստայօղ լուրերը, արդարացրեց հայ յեղափոխականներին, ձգելով դէպքերի ամբողջ պատասխանատուութիւնը ցարի կառավարութեան վրայ: «Հայ յեղափոխականները, ասում է այդ թերթը, բնաւ հիմք չունեն թշնամական դիրք բռնելու մահաւտականների նկատմամբ»:

Մանրամասն թղթակցութիւններ լոյս տեսան Բազել ընդհարումների մասին, բոլոր երկրների մամուլի մէջ:

Frankfurter Zeitung-ի սեփական թղթակիցը յուղիչ տողերով նկարագրելով հայերի ջարդը, գրում է ի միջի այլոց հետեւեալը.

«Մի ստիկան իմ հարցումին, թէ ինչու չէ օգնում հայերին, պատասխանում է. «Օ, ոչինչ եթէ մի քանի հայեր տղաներն, դա լաւ է նրանց համար, դա մի տեսակ արիւնաւումութիւն է (Aderlass), այն ժամանակ նրանք քիչ կը մտածեն յեղափոխութեան մասին»:

«Աւերապէս Բալխանիից վրայ հասան հայ բանւորները քաջարի Նիկօլի առաջնորդութեամբ՝ իրենց նեղն ընկած եղբայրներին օգնելու համար՝ Ղրանք յետ քշեցին մարդասպաններին... Քաղաքի կենտրոնում պաշարւած ու այրւած Ադամեանի ու Թաթուեանի ընտանիքները ևս կ'ազատէին, եթէ ոստիկանութիւնը չ'արգիլեր հայ բանւորութեանը սովորական ծանապարհով Բալխանիից անցնել Բազու Ղրանք ստիպւած եղան մի քանի ժամւայ պտոյտ անել ուղքով: Այնուամենայնիւ ազատարարները եկան լաւ ժամանակին և գէթ կարողացան շատ սուրիշ ընտանիքների կեանքը ազատել»:

Տարօրինակ է դէպքերի նկարագրութիւնը գերմանական Սոցիալ-դեմոկրատիայի օրգան՝ Vorwärts-ի մէջ: Այնտեղ հայերը ներկայանում են նոյն բնազդներով ինչ որ և մահաւտականները: Վերջիններիս նախադրածակ լինելու մասին ոչ մի խօսք: Գուրս է գալիս, որ խեղճ հայերը ևս, թիրաքներին կոտորելուց յետոյ՝ խրախճանքներ են սարքել... «Արբած արիւնով, մթագնած վրէժխնդրութեամբ, կուրացած տգիտութեամբ, յուսահատւած թրշառութիւնից՝ պատռւած էին իրար երկու ժողովուրդները, երկուսն էլ բռնի հեռու պահւած կրթութիւնից ու առաջադիմութիւնից, երկուսն էլ անկարող հասկանալու, որ իրենք եղբայրներ են, պրօլետարներ, որոնք միայն մէկ բաղձանք պիտի ունենան՝ միացած ուժերով տապալել կապիտալիզմը և հաստատել սոցիալիզմը»:

Այսպէս է գրում այդ թերթի միամիտ թղթակիցը, որին թերեւս իր սոցիալ-դեմոկրատական տեսակէտը ստիպում է միեւնոյն տախտակի վրայ գնել տարբեր ժողո-

վուրդներին, և անպատճառ հայերին՝ ևս կշտամբել իրենց գլխին պաթած սոսկալի աղէտի համար: Եթէ կան առանձնապէս կծու խօսքեր այդ տարօրինակ թղթակցութեան մէջ, — դարձեալ հայի հասցէին է: Այսպէս, թղթակցի կարծիքով, հարուստ Ադամեանը «անանացել էր», բանի որ իր տունը պաշտպանելիս, իբր թէ սպանել է իր ձեռքով 60 թիւրք (°):

* *

Եւրոպական թերթերին հեռագրում են.

Մինիստրների կոմիտէի առաջարկութեամբ և կայսերական որոշումով, պաշարման վիճակ է հրատարակւած քութայի Նահանգի, ինչպէս նաեւ քութայի, փօթի և Բաթում քաղաքների համար:

Կիւղայիական շարժումները տարածւում են Վհատտանում և բուն Ռուսաստանի մէջ, մասնաւորապէս Բեսարաբիայում, ուր խիստ զգալի են վերջին զորաշարժի հետեւանքները:

*

Frankfurter Zeitung-ի, Պարիզի և Վիեննայի թերթերի մէջ հրատարակեց մեր խմբագրութեան հետեւեալ հեռագիրը.


«Իշխան Ամիրխանովի, որ ուղարկւած է Բազու յատուկ միտիայով՝ բնեւ վերջին կոտորածների պատճառները, բռնութեամբ խեղդել է ձգտում հասարակական կարծիքը, սպառնում է հայերին նորանոր ծնշումներով, զոյցում է աշքերը ամենայայտնի փաստերի առաջ, որոնք անվիճելիօրէն սպառնացանում են ռուս կառավարութեան մեղսակցութիւնը:

«Մենք բողբում ենք Նօվոյէ Վրէմիայի՝ և այլ ռուսական պաշտօնական աղբիւրների տարածած անմիտ ու հրէշաւոր ինսինուացիաների դէմ, որոնք երկրորդ Կիշինեկի պատահաւնաւութիւնը ձգում են հայ յեղափոխական կոմիտէների վրայ: Կոմիտէները միշտ քարոզել են համերաշխութիւն հարեան ժողովուրդների միջև»:

Կ Ե Ն Ս Ս Գ Ր Ս Կ Ա Ն

ԱՐՄԵՆԱԿ ԼԵՒՈՆԵԱՆ

(ԵՐԿԱՅ)



Բաղէշի Ծղակ դիւղում ծնւեց նա 1870 թւին: Գեռ պատանի հասակում՝ ուրիշ շատ հայրենակիցների հետ, նա ևս ձեռք առաւ պանդխտութեան գաւազանը և գնաց

հեռաւոր Լճերիկայ, հայրենիքում թողած իր դժբախտ ընտանիքին օգնելու նպատակով: Եւ այնտեղ շուտով յարեց Հ. Յ. Գաշնակցութեան և եղաւ մեր ամենալաւ և գործունեայ ընկերներից մէկը:

Սակայն Անգրաւորանդեան երկրի միատեսակ և թէօրիական աշխատանքը չկարողացաւ բաւարարութիւն տալ Լճոնեանին: Նրա յեղափոխական ոգին ծարաւ էր դրական, շօշափելի ու յանգուզն գործունէութեան և ահա 1902 թվին նա թողեց Լճերիկան, իր բազմաթիւ ընկերներն ու բարեկամները և ժընէպի վճարով անցաւ երկիր, վասն որ մի քանի ամիս մնալուց յետոյ, դիմեց դէպի տեղւոյն լեռները, դէպի Սասուն: Մի քանի ժամանակ լեռներում մնալուց յետոյ, նա իջաւ Մուշի դաշտ, և սկսեց պրօպագանդի գործը. — պատելով հայկական փաղերը նա յորդորում էր ժողովուրդին զինել իր սեփական միջոցներով և յաճախ իր վրայ էր առնում զէնք գտնելու դժարութիւնները: Լորէր ամիս դաշտում շրջափայլուց յետոյ՝ 1903 թվի վերջերը Լճոնեան 12 հոգուց բաղկացած խմբով գնաց Ախլաթ, ուր մի կողմից հայ ժողովուրդի մէջ զինելու միտքն էր տարածում՝ գործնականապէս, իսկ միւս կողմից՝ վանի և Սասունի յարաբերութիւնները շաղկապում: Ախլաթ երկար չմնաց: Անցաւ վան, սակայն դեռ նոր էր այնտեղ եկած՝ տեղական կոմիտէների որոշմամբ՝ նա թողեց երկիրը և Պարսկաստանի վրայով անցաւ Լւրդպա՝ Հ. Յ. Գաշնակցութեան Ընդհանուր ժողովին մասնակցելու համար:

Ժողովից յետոյ՝ Լճոնեանը նոր որոշումներով և յոյսերով գտնւում էր, դիմեց դէպի երկիր: Սասունը արդէն պաշարած էր և ճանապարհները բռնւած: Չը նայած բոլոր դժարութիւններին, 18 հոգուց բաղկացած խմբով նա ուղևում էր օգնութեան հասնել կուռղ Սասունին: Յաջողութեամբ հասաւ Լրճէշ, բայց այնտեղ կուռ բռնեց թիւրք զօրքերի և աշխրէթների հետ: Արիւր անհաւասար էր և կատաղի:

Լորէ խումբը պատրաստում է ճանապարհել — ստում է նկարագրողը — պահպանողները իմաց է տալիս, որ քրդերի մի ահագին զունդ պաշարել է այն քարայրը, որտեղ խումբը մի քանի ժամ առաջ տպաստանել էր՝ ցրտից ու անձրեւից պատսպարելու համար: Խմբապետը անմիջապէս կարգադրում է կուռ պատրաստելը սկսում է հրացանաձգութիւնը, մերոնք ներսից, իսկ թշնամին դրսից: Ամբողջ օրը այդ ձևով անցկացնելուց յետոյ, երեկոյան՝ խմբապետի հրամանով՝ երկու հոգի փորձում են դուրս գալ այրից և մի քիչ շիութութիւն փցել թշնամու մէջ, որը և աջողում է: Օգտուելով վայրկեանական շիութութիւնից՝ ամբողջ խումբը կազմ ու պատրաստ դուրս է գալիս այրից և բացօդայ սկսում է մի տաք կռիւ: Բայց նախ քան այրից դուրս գալը, խմբապետը դիմում է հետեւեալ միջոցին. — որովհետեւ զանազան պատճառներով խմբից յետ էին մնացել չորս հոգի, երկու հոգի էլ պաշար բերելու ժամանակ սպանւել և բռնւել էին, պակասած անդամների աւելորդ բռնը և նրանց բաժին պայթուցիկ նիւթերը անհնարին էր հետը վերցնել, ուստի խմբապետը որոշում է այդ բոլոր իրերը այրի մէջ մի տեղ հաւաքել և դուրս գալուց առաջ ռումբերի երկար պատրոյգը վառել: Քրդերը իսկոյն գրաւում են այրը: Այդ րոպէին ռումբերի ահաւելի պայթիւնը քարուքանդ է անում այրը և տեղնուտեղը գետին փռում 20-ի չափ քրդի դիակներ: Անացածները

սարսափած այս տարօրինակ երևոյթից, փախուստ են տալիս, միջոց տալով խմբին ապահով պատուել շղթան և անցնել: Մի քիչ հեռանալով տղերքը զիրք են գրաւում և սկսում գնդակահար անել փախչող թշնամուն: Սերոնցից սպանւում և յետ են մնում ընդամենը եօթը հոգի, իսկ թշնամուց սպանւում են մօտաւորապէս 55 քիւրդ, որոնցից մի քանիսը ամենայայտնի ցեղապետներից: Ընկածների մէջ էր և Աշոտ-Խրկաթը:

Ի՞նչ եղաւ նրա դիակը, ո՞ւր է նրա գերեզմանը — ոչ ոք գիտէ: «Անյայտ» դամբարանի հետ միասին հայ ազատագրութեան էջերին ենք յանձնում նրա սիրելի անունն ու խոստման զօրծը:

Յարգանք նրա անուն, պատիւ նրա գործին:

Պ Ա Շ Տ Օ Ն Ա Կ Ա Ն Ա Ջ Դ Ե Ր

Ծ Ա Ն Ո Ւ Ց Ո Ւ Մ Ն

Դաշնակցութեան տեղական կենդր. կոմիտէն, փետրւարի 7-ին, ուղարկեց իշխան նահաշիճէին հետեւեալ սպառնադիրը:

Պ. Նահանգապետ,

Վերջին օրերում տեղի ունեցած արիւնալից դէպքերը, մեզ ներշնչեցին մի կարծիք, որը գառնում է համազումը մեզ համար, — այն, որ թափւած ափողջ արեան պատճառը դուք էք և ձեզ ենթարկւած ասորիկանութիւնը: Հարկաւոր չդատելով ապացոյցներ բերել ձեր յանձնարքը վարմանը համար, որը բազմաթիւ անմեղների կորստեան պատճառ եղաւ, Հայ Յեղ. Դաշնակցութեան Կենտրոնական կոմիտէն, նախ քան իր վրայ դրած սրբազան պարտականութեան կատարման ձեռնարկելը՝ պաշտպան հանդիսանալ անմեղ զոհերին, աւելորդ չի համարում յայտարարել ձեզ, պ. Նահանգապետ, որ եթէ արիւնհեղութիւնը չէք դադարեցնել ձեր ձեռքում եղած բոլոր միջոցներով, այդ դէպքում դուք պատասխանատու էք ձեր արիւնով, այլև ձեր մեղսակիցների արիւնով:

Հ. Յ. Դ.

ԱՄԳԻԻ ԿԵՆՏՐ. ԿՕՄԻՏԷ

Նիւթերու առատութեան պատճառով առաջիկայ համարին յետաձգեցինք ներառութեան ցանկերուն հրատարակութիւնը:

ՀԱՅ ՅԵՂ. ԴԱՇՆԱԿՑՈՒԹԵԱՆ ՀՐԱՏԱՐԱԿՈՒԹԵԱՄԲ

Լ Ո Յ Ս Տ Ե Ս Ա Ի

Է. ԱԿՆՈՒՆԻ

Դ Է Պ Ի Կ Ո Ւ Ի

Բաղկացած 275 երեսից, նւիրւած եկեղեցական կալւածների յափշտակութեան և կովկասահայերի վերջին շարժումներին:

Գիմը Եւրոպայում՝ 2 ֆրանկ, Ամերիկա՝ կէս դոլար
Կովկաս՝ 1 ռուբլի:

Դիմել «Դրօշակ» խմբագրութեան

Մեր խմբագրութեան հասցէն՝
«Rédaction du „DROSHAK“, Genève (Suisse)